

mus, ut cunctis causarum sacerdotalium negotiis insensibiles facti, vere mortui mundo, soli vivamus Deo; quatenus ipse auctor, et instructor felicissimi hujus servuli, illis suis convivis nos dignetur ascribere, qui ex ore Veritatis merebuntur audire: « Ego dispono vobis sicut disposuit mihi Pater meus, regnum, ut edatis et libatis super mensam meam in regno meo (*Luc. xxii.*). »

Omnipotens Deus, qui caritas est (*I Joan. iv.*), fratres charissimi, sancto cordi vestro clementer inspirat, ut pro me peccatore dignemini semper orare.

SCHOLIA.

Concludendum est igitur, quia sicut ab his cavendum est, quos moderna synodorum concilia ab ecclesiastica

A societate repellunt; ita et ab illis nihilominus declinandum, quos antiqui Patres eliminandos esse decebunt. Hoc loco beatus Damianus loqui videtur juxta Ecclesiae morem, qui ejus aetate servabatur. Ante concilium enim Constantiense in universum prohibebatur fidelibus participare cum excommunicatis, cap. *Cautum est* 11, qu. 3. et cap. *Cum desideres*. Et alibi saepe. Verum in concilio Constantiensi, per Martini V Constitutionem, quae incipit: *Ad evitanda multa scandala*, quam et Leo X in concilio Lateranensi, sess. 11, confirmavit, eamque refert Martinus Navarus in *Summa*, cap. 27, num. 56, cuius adhuc meminit Didacus, Covarr. in cap. *Alma matér*, 1 par. *Recte*. paragr. 2, decretum est, « Licere fidelibus communicare excommunicatis, exceptis duobus, iis videlicet, qui nominatim fuerint denuntiati, aut notorii clericorum percussores. » Juxta quod decretum, nostri doctoris zelum et sententiam interpretabimur.

Sit nomen Domini benedictum.

283-284 OPUSCULUM DECIMUM TERTIUM.

DE PERFECTIONE MONACHORUM. AD O. . . . ABBATEM POMPOSIANUM EJUSQUE CONVENTUM.

ARGUMENTUM. — In hoc libello præceptoris, ut ita dicam, officio fungitur. Nam cum monachorum sui temporis corruptos mores et instituta deplorasset, eosdem saluberrimis præceptis ad perfectionem instituit: quid fugere debeant, quid amplecti, ut ad optatam laborum metam, certaminumque palmarum pervenire possint, solerter erudit. Et quidem pene totus in eo est, ut eos posthabitis terrenis cupiditatibus, non ob poenarum formidinem, sed sua sponte ad Deum ardentius amandum invitet, et ad ipsam virtutum arcem, charitatem, quasi manu perducat. Hac regia velut semita patefacta, ad reliquos deinde virtutum calles digrediatur, patientiam scilicet, humilitatem, obedientiam, compunctionem, poenitentiam, et contemplationem, quibus tanquam clarissimis gemmis monachi cujusque animus ornatus, non ad externa duntaxat intuentium oculos, sed ad ipsius interni spectatoris conspectum pulcher et formosus appareat. Ubi generatim ad omnes locutus est, tum demum singillatim unumquemque sui officii admonet, abbates, præpositos, cæterosque cujuscunque aetatis ad bene beataque vivendum juxta præscriptam a majoribus normam informans.

Domino O. . . . venerabili abbatи, et sancto conventui, PETRUS peccator monachus devotissimae servitutis obsequium.

Pauperculo debitori licet solvere nequeat omne quod debet, excusioni tamen est, id per exiguum offerre quod habet. Sæpe nimis rusticus, qui pecuniam seneratus acceperat, exactori suo olerum duntaxat advexit xenium, et mox cautionis suæ chirographo rediit absolutus. Ego itaque, qui beneficiis vestris magna debeo, viles litteras mitto; viles, inquam, mea rusticitate, non suo genere, videlicet quæ et divinæ voluntatis indicés, et veterum novorumque gestorum depositariæ sint fideles.

CAPUT PRIMUM.

De remissione fervoris sanctæ religionis.

Itaque non ignoratis, fratres mei, quod gemens loquor, ad quantum sancti fervoris lapsus sit, imo proclivius quotidie labi non desinat noster ordo defectum, ut jam omnium pene mandatorum negligenter obliti, sola professionis hujus videamur ueste contenti. Sub religionis enim specie sacerdotaliter vivimus, et violato disciplinæ genio, dum nos per illecebatarum fluxa dissolvimus, velut a nobilitatis nostræ titulis degenerantes, monachorum nomen inaniter

B possidemus. Ac si spurius puer patris quidem se censeri nomine gaudeat, sed generis sui degenerata conditio legibus hunc ab hereditate repellat. Nam et Ismael et filii Cethuræ omnes indifferenter Abrahamæ filii dicebantur. Sed cum ad successionum jura per ventum est, Isaac legitimo filio tota in integrum hereditas traditur; concubinarum autem filiis tantummodo munera tribuuntur. « Spuria, inquit Salomon, vitulamina non dabunt radices altas (*Sap. iv.*). » Nec vos, quæsio, quod loquor, in vestram vertatis injuriam. Nostis enim, quia fomes apte congeritur, ubi scintilla saltem ignis superesse videtur; illuc autem quis inaniter sufflat, unde calorem penitus exhalasse considerat? Ego etiam, nisi per Christi gratiam de yobis meliora confidere, relictis aliis, exhortacionis 285 stylo vos etiam prosequi supervacuum judicare.

Quapropter, charissimi, in vires vos, Christo auxiliante, colligate, ejusque militiam, in cuius arma juratis, non segniter, non enerviter, sed servide potius ac viriliter bajule, ut rudimenta conversationis vestræ, quæ adhuc in quodam meditullio posita sunt, non ad nihilum, quod absit, per negligentiam redeant, sed per continui fervoris instan-

tiam ad perfectionis culmen excrescant. Mementote quod angelo Sardis Ecclesiæ dicitur : « Esto vigilans, et confirma cætera, quæ moritura erant; non enim inveni opera tua plena coram Deo meo (Apoc. iii). » Quia enim plena coram Deo ejus opera non invenerat, moritura etiam illa, quæ jam bene gesta fuerant, prohibebat. Si enim quod mortuum in nobis est ad vitam non accenditur, hoc etiam extinguitur, quod quasi adhuc vivum tenetur. Perdit quippe quod egerebat, qui quod faciendum est non consummat. Quid enim prodest si in materno utero formari corpus incipiat, et tamen ad naturalis incrementi plenitudinem non perfingat? Non enim vos latet de qua sobole dicitur : « Mulier cum parit, tristitiam habet, quia venit hora ejus; cum autem peperit puerum, jam non meminit pressuræ propter gaudium, quia natus est homo in mundo (Joan. xvi). »

CAPUT II.

Quod nisi quisque studeat cœpta perficere, ad amorem Dei nequeat pervenire.

Abortivum plane opus Deus non approbat, qui personarum et officiorum, conditionum et ordinum actus in statera providæ discussionis examinat, et diversas habet lances per singulos ordines. An ad trutinanda regis opera stateram habilem non habuerat, eaque actus illius appenderat, cui per manus articulum in pariete describebat : « Regnum tuum appensum est in statera, et inventus es minus habens? (Dan. v.) » Atque idcirco præsto subjunctum est : « Divisum est regnum tuum, et datum Medis et Persis (ibid.). »

Si ergo regnum simul et vitam illis Deus omnipotens abstulit, non ob aliud crimen, nisi quia tam boni operis, quale regem decuerat, in eo plenitudinem non invenit; quid de nobis est sentiendum, qui sub professione manastica et scandere perfectionis excelsa promisimus, et adhuc tamen sub corpore desidiæ in imperfectionis nostræ convallajacemus? Ut quid homo totis nisibus non satagit implere quod instat? Ob id saltem ne perdat omne quod præterito labore quæsierat. Nam quantumlibet itineris quisque perrexerit, quid, quæsō, proficit si ad locum propositum non attingat? Porro, si quispiam regi vehementer insensus, non aliter redire in gratiam possit, nisi centum argenti libras appenderit, certus quia post solutum exactionis regiae debitum, non solum gratiam, sed et magnæ cujusdam dignitatis erit insulas accepturus; nunquid non fatuus erit si nonaginta novem libras, quæ publicis ærariis illatæ jam fuerant, perire patitur, nisi sola una **286** quæ de ratione remanserat, persolvatur? Nonne melius est ut modicum id quod restat plene solvatur, et gratiam simul cum dignitate homo recipiat, quam et quod datum est, perdat; et, quod terribilius est, in Regis indignatione permaneat?

Dedimus, fratres, ut confidenter dicam, dedimus nonaginta libras argenti regi nostro Christo, pro cuius intuitu possessa reliquimus, conjugium sprevimus, ossum carnium devitamus, mundi pompas et

A gloriā perhorrescimus, nitorem sacerularis habitus humili ueste mutamus. Magna sunt hæc, ardua sunt, fateor, magisque supernæ retributionis muneribus compensanda; sed adhuc restat unde præfixum debat pondus impleri, ut in gazophylacium Regis æterni mereatur admitti. Quæritis quid sit hoc: Occurrit mihi protinus, ut vobis ista respondeam. Obedientia, charitas, gaudium, pax, patientia, cæteræque virtutes, quas gentium prædicator enumerat, (Galat. v). Sed volo compendiose perstringere, quomenti vestræ valeat facilius, ac per hoc arctius inhaerere. Itaque nihil est aliud nisi servor in Deum et mortificatione in temetipso. Si enim apostolica in nobis sententia viveret, qua dicitur : « Semper mortificationem Jesu in corpore nostro circumferentes (II Cor. vi); quia carnalis amor non haberet ubi se intra nostra diffunderet, necessario se omnis nostra delectatio in Deum suspensa transferret; et illuc noster ignis exsiliens viveret, quia intra nos diffundendi se spatium non haberet. Prudens etenim vir, et ad salutis suæ custodiam vehementer intentus, tanta reprimendis vitiis sollicitudine semper invigilat, ut perfectæ mortificationis cingulo lumbos suos et renes, ventrem una cum lateribus undique circumstringat. Quod nimurum tunc sit, cum pruriens gula reprimitur; cum lingua proçax sub silentio cohibetur; cum auris a detractionibus clauditur; cum oculus aspectare quæ sunt illicita, prohibetur; cum retinetur manus, ne creduliter feriat, pes ne vagabundus inaniter perget; cum resistitur cordi, ne prosperis alienæ felicitatis videat, ne quod suum non est, per avaritiam concupiscat, ne se ab amore fraterno per iracundiam dividat, ne se super cæteros arroganter extollat, ne titillanti luxuriæ ex delectatione consentiat, ne se vel in mœrorem immoderatus deprimat, vel lætitia lenocinantem resolvat. Quia igitur humana mens penitus vacare non valet, ut cuiuslibet rei se amore non occupet, cum hoc virtutum muro undique circumcluditur; qui se circa se nequaquam dilatare permitsitur, supra se necesse est rapiatur.

C CAPUT III.
Quod necesse sit terram nostri cordis excolare, si de ampla volumus possessione gaudere.

Hoc itaque modo cum mens nostra in suo cœperit auctore quiescere, et ex illa jam dulcedinis intimæ suavitate gustare: mox quidquid divinæ legi judicat esse contrarium, respuit; quidquid a supernæ justitiae regula discrepat, abhorrescit. Hinc plane vera mortificatione **287** nascitur; hinc fit, ut homo Redemptoris sui bajulans crucem, mundo mortuus videatur. Itaque jam non fabularum gaudet ineptiis, non otiosis acquiescit diffluere verbis; sed psalmis, hymnis et canticis spiritualibus vacat, remotione in quærit, latibulum expedit; colloquientium officinas, publicum claustra monasterii forū deputat; angulis gaudet, secreta rimatur: et ut liberius conspectui sui Creatoris assiat, in quantum prævælet, etiam colloquia humana declinat.

Hic itaque vir postquam urbes hostium subruit, postquam regum in spelunca latentium colla calcavit et perdidit; postquam maritima, campestria ac montana regna subvertit, quid jam restat, nisi ut yepromissionis terram eum triumphatore Josue tranquilla pace possideat? alioquin quid prodest, quod deserentes Aegyptum, diviso mari Rubro transivimus, si in deserto nunc per quadraginta annorum spatia coarctamus, et nec ad ollas carnium redire jam possumus, nec terram lacte melleque manantem jure possessionis intramus? Dormimus, sterimus, et sub ignaviae torpore marcemus.

Merito itaque nobis ad opprobrium dicitur, quod septem tribubus necdum possessiones habentibus idem Josue dixisse perhibetur: « Usquequo, inquit, marcescit ignavia, et non intralis ad possidendam terram, quam Dominus Deus patrum vestrorum dedit vobis (Josue xviii). » Stultus denique miles est, qui satagit vincere, si non studuerit ante pugnare; nimis delicatus est, si ante nititur obtinere victoriam, quam egrediatur ad pugnam. Frustatur agricola, si antequam desudavit serere, ambiat tritare; cum constet, quia quisquis desiderat frumenta colligere, prius necesse sit frutices simul cum veribus extirpare. Et revera divina voce peccatori homini dicitur: « Terra tua spinas et tribulos germinabit (Gen. iii); » ut autem terra ista valeat esse ferax segetum, patiens sit ante lignon, et vomerum; quatenus diversis afflictionibus, perfectaque poenitentiae disciplinis exulta, velut uberum proventu frugum, sic adornetur omnium secunditate virtutum.

Ad hanc profecto agriculturam typice impellebat Josue filios Joseph, cum eis de parvæ sortis funiculonique eis, diceret: « Si populus, inquit, multus es, ascende in silvam, et succide tibi spatia in terra Pherezæi, et Raphaim, quia angusta est tibi possessio montis Ephraim (Josue xvii). » Nam, ut rem ad id quod proprius adjacet, non incongrue referam, in angusta se montis Ephraim possessione cohibuit, qui sola B. Benedicti regula contentus esse decrevit. Sed audi, quomodo te ad montem Josue novus impellat, et ad latiora possessionum spatia festinare præcipiat: « Regulam, inquit, hanc descripsimus, ut hanc observantes aliquatenus, vel honestatem morum, vel initium conversationis nos monstremus habere. » Ecce mons Ephraim. Sed quoniam angustam hic possessionem esse perpendit, mox ad altiora, simul et latiora transmittit: « Cæterum qui festinant, inquit, ad perfectionem, sunt doctrinæ sanctorum, sive collationes et instituta Patrum, et cætera: quæ quoñiam vobis notissima novimus, hic apponere superfluum judicamus.

288 CAPUT IV.

De his qui Gabaonitarum imitantur exemplum.

Sed, o utinam, quia lepidi atque degeneres nequam ad altiora contendimus, hujus saltem parvi montis angustias naviter sulcaremus; ut nullus in eadem regula mandatorum angulus sub negligentia delitesceret, quem nostri laboris, et exercitiū aratrum non

A sulcaret. Nam ubicunque duriora, vel quantumlibet altiora præcepta conspicimus, illuc aratrum nostri sudoris immittere, velut in præruptum montem, vel in vivum lapidem formidamus. Volumus siquidem annum erari inter cuneos militum, sed insignia non curramus habere virtutum. Ad oculos quidem hominum prætendimus honestatis imaginem, sed in conspectu occulti Judicis habere negligimus veritatem. Nonnulli namque (quod sine gemitu dicere nequeo) sic ad novæ religionis transeunt ordinem, ut tamen præteritæ vitæ nunquam deserant vetustatem: hi nimis Gabaonitæ sunt, non Israelitæ. Notum quippe est, quod Gabaonitæ mortis timore perterriti, ad Israëliticum populum cum fraude et calliditate venerunt, ita ut se veteribus vestimentis induerent, paes etiam B siccros, utres, saccos, calceamenta, atque omnia simul inveterata portarent: quibus scilicet, postquam impetrato fœdere vita donatur, consequenter eliam fraus patefacta cognoscitur: quos Josue comperto dolo sub maledictione damnavit, et aquæ gestatæ res, lignorumque cæsores perpetuo jure constituit (Jos. ix).

Qui sunt autem Gabaonitæ, qui ad Israelitas nimirum formidine transeunt, nisi ii qui ad servitutis divinæ militiam non perfectionis amore, sed tremefaci scelerum suorum immanitate confugiunt? Sed eorum nonnulli veste, non mente mutati, siccros panes ad esum portant, quia azyma adhuc sinceritatis et veritatis ignorant (II Cor. v). Vetustis vestibus contingunt, quia in veteri adhuc homine constituti, C novum induere nesciunt, qui secundum Deum creatus est in justitia et sanctitate veritatis (Ephes. iv). Postremo omnia videntur inveterata, quæ gestant, quia in præteritæ vitæ vitiis perseverant, non obtemperantes præcipienti Apostolo: « Renovamini, inquit, spiritu mentis vestræ (ibid.); » nec illa eis sententia congruit, qua dicitur: « Vetera transeunt, et ecce facta sunt omnia nova (II Cor. i). » Ad novitatem quippe superficienus venientes, re ipsa in vetustate persistunt; quia emendationem et novam conversationem in suis moribus non ostendunt. Tales itaque maledictione plectuntur, nec ad sortiendam cum Israelitis hæreditatem aliquatenus admittuntur. Non enim ex illorum numero sunt, quibus dicitur: « In hoc vocati estis, ut benedictionem hæreditatem possideatis. » Aquæ autem insipida est, et ligna dura. Ligna ergo caderé, et aquas vectare jubentur; quia gustus intelligentiae spiritualis ignari, duris atque insensibilibus exterioris exercitii negotiis occupantur. Sic igitur aliquam quidem in exterioribus videntur utilitatem Ecclesiæ serviendo conserre: sed quia serviliter vivunt, hæreditatem inter Israelitas nequeunt possidere.

289 CAPUT V.

De iis qui eorum teneat figuram, qui ad maledicendum constituti sunt in Hebal.

Taliū tamen nonnulli si frequenter admoniti fuerint, si eis correctionis severitas adhibetur, si pena gravis irroganda proponitur, si terror denique

tremendi iudicis intentatur, de servitute ad libertatem veniunt, et ad capessenda cum cæteris jura hæreditariæ possessionis assurgunt. Quorum scilicet typum tribus illæ tenuerunt, quæ et prius præcipiente Moyse, deinde Josue exsequente, ad maledicendum sunt constitutæ. Sic enim Scriptura testatur: « Omnis populus, et omnes majores natu- ducesque ac judices stabant ex ultraque parte arcæ in conspectu sacerdotum qui portabant arcam fœderis Domini, ut advena, ita et indigena: media eorum pars juxta montem Garizim, et media juxta montem Hébal. Porro ii qui stabant juxta Garizim, benedicebant factores legis; qui vero juxta Hebal, maledicebant transgressores legis (*Deut. xxvii; Jos. viii*). Quid enim designant isti, qui benedictionis funguntur officio, nisi eos procul dubio, qui non pœnarum metu, sed spe cœlestium præmiorum, et perfectionis amore, ad servitia divina consugiunt, et jugiter Deum sanctæ conversationis operibus benedicunt? Quid autem illi, qui ad maledicendum positi sunt, nisi eos qui non amore perfectionis æstuant, non desiderio gloriæ coelestis anhelant, sed ad hoc tantum quæ in lege præcepta sunt, servant, ut gehennæ pœnas evadant?

Ad maledicendum itaque missi sunt, ut dum maledicunt, ipsi ad conscientiam redeant, et perpendentes pœnas in Scripturis peccatoribus constitutas, a perversitate peccandi se vel timore compescant. Hinc est plane quod illæ tribus quæ ad benedicendum constitutæ sunt, nobiliores sunt; filii videlicet uxorum; quæ autem ad maledicendum, ignobiles, utputa ancillarum, id est, Gad et Aser, Dan et Nephtalin, inter quos erat Ruben, qui maculaverat torum patris, et Zabulon Liæ ultimus.

Notandum autem, quia omnes stetisse circa arcam fœderis referuntur, quia omnes tam nobiles quam ignobiles, ac per hoc sive tepidi, sive in Dei amore ferventes, a sancta Ecclesia non recessunt. Hoc autem a Moysè quidem præceptum, sed longe post Josue est execuzione completum. Quid per Moysen nisi lex; quid per Josuë nisi Evangelium figuratur? Benedictionem ergo justis debitan, et malædictionem peccatoribus irrogandam, non solum lex vetusta prædixerat, sed evangeliæ novitatis gratia manifestat. Sed quanquam isti sint nobiles, ideoque benedictionis potiantur officio; ignobiliores illi ac per maledictionis formidinem terreantur; quia tamen aduersus hostes unanimiter dimicant, quia communis laboris instantia promissam terram sibi vindicare desudent, omnes simul admittuntur ad sortes, et non diverso jure sunt sibi met invicem cohæredes. Verumtamen valde clarius est, ut serventes atque robusti nobilium inveniamur titulis insigniri, quam molles in aliquo degeneri compellamus ignobilitate notari.

Fugiamus ergo Hebaï, contemnamus multo magis et Gabaonitas, ut neque exterioribus implicatis servilis nos conditio deprimat, neque solo gehennæ timore constrictos inter ignobiles filios desidiae torpor

A abducat. Vindicemus virtutum armis hæreditatem nostram, ut possessionis nostræ terminos assiduæ culturæ sudoribus dilatemos. At fortassis desides quique respondeant, quod filios Joseph tunc dixisse Scriptura commemorat: « Non poterimus, inquit, ad montana condescere, cum ferreis curribus utantur Chananaei, qui habitant in terra campestri (*Jos. xvii*). » Alta quidem petunt, sed eos, qui in imis habitant, pertimescant; quia ad arcem nituntur festinare virtutum, sed carnalium vitiorum dissidunt superare posse conflictum; quibus tamen ignobiliter requiescere non conceditur, sed illico respondetur: « Populus multus es, et magnæ fortitudinis, non habebis sortem unam, sed transibis ad montem, et succides tibi, atque purgabis ad habitandum spatia, et poteris ultra procedere (*Jos. xiii*). » Imo ut audaciā timidis præbeat, ipse Deus omnipotens clamat: « Ego sum, inquit, qui delebo eos a facie Israhel. » Et Josue cœlestis militiæ bellatores hortatur, ac facilem de hostibus victoriam pollicetur: « Nolite, inquit, timere, nec paveatis: confortamini, et estote robusti; disperdet enim Dominus cunctos hostes vestros, adversum quos dimicatis (*Jos. x*). »

CAPUT VI.

De his qui dum perfectionem in sola conversione consti- tuunt, convensis pœnitentiam non imponunt.

Præterea, dilectissimi; ut vobis tanquam complicibus, et unanimibus in Christo familiariter loquar, quamdam in plerisque monasteriis tencri consuetudinem novimus, quam ut vos abdicetis, humiliter suademus. Nonnulli namque rectores fratrum plus tribuentes monasticæ regulae quam expediatis, quibuslibet a sæculo venientibus, etiam si graviter lapsi sunt, aliam pœnitentiam non imponunt, nisi tantum communem monasterii ordinem servare præcipiunt quod profecto quam sit inconsideratum, quam inhumanum, quam penitus indiscretum, quisquis sapit, intelligit. Hi nimis auditores suos in Hebalarum ignobilitate constituent, dum pœnitentiæ fervorem tollunt, dum non post solutum debitum amore perfectionis ad alta condescendere; sed pœnarum semper terrore constrictos, et cautione senoris obligatos docent sub degeneris ignaviae torpore languere; ut non cum his qui juxta Garizim sunt, secure Dominum benedicant, sed circa Hebal potius cum ancillarum filiis maledictionum jacula pertimescant. Qui hæc enim agit, quid distet inter decem millia talenta et centum denarios, non attendit. Nam si jus discretionis inspicitur, unusquisque quo magis gravatur offensis, eo majori gravandus est pondere satisfactionis. Facilius quippe debitor solvitur, qui mutuatus est unciam, quam ille qui libram; nec pari 291 emendatione plæciendus est qui ovem rapuit, et ille qui bovem.

Nam si diligenter attendimus, ipsos quoque apostolos disciplinæ nostræ principes, et Christiani dogmatis duces, juxta prioris vitæ culpas laborum invenimus inter se invicem habuisse distantiam. Nam Paulus quia se in nece Stephani crudelis admiscuit

(*Act. viii*), plura quam cæteri, passionum supplicia toleravit; Petrus autem nuptiarum sordes abluit cruento martyrii (*II Cor. xi*) [Vide *scholia ad calcem opusculi*]; at Joannes, quia virgo eligitur (*Joan. xxi*), cæteris omnibus plus amatur; et quoniam in puerili ætate mundo subtractus graviter non deliquit, non pœnas martyrii patiendo (*I Cor. xv*), sed suaviter et quiete quasi dormiendo migravit. Et cum prædicator ille egregius dicat: « Ego sum minimus apostolorum, qui non sum dignus vocari apostolus, quoniam persecutus sum Ecclesiam Dei (*I Cor. ix*); » cum corpus suum castiget, servitutique subjiciat (*I Cor. iv*); cum quod aliis ipse concedit, de Evangelio nihil accipiat, sed de manuum suarum laboribus vivat; cum ille plus omnibus laboreat, et tamen non se comprehendisse formidet (*Philip. iii*): si ille, inquam, inter tam magnifica virtutum opera non confidit adhuc in apostolatu, quid nos infelices et miseri tantum præsumimus de nostræ desidiæ monachatu? Quisquis sane ad religionis hujus ordinem confugit, finem malis imponit.

Sed quid prodest a peccatorum perpetratiōne desistere, nisi et hæc ipsa quæ perpetrata sunt, studeat quis districtæ pœnitentiæ satisfactione delere? Sed quia mihi fortasse non creditur, quid ex hoc in Pastorali libro perhibeat beatus papa Gregorius, inquiratur, ubi ait: « Admonendos esse qui peccata deserunt, nec tamen plangunt, ne jam relaxatas æstiment culpas, quas etsi agendo non multiplicant, nullis tamen fletibus mundant. » Quæ videlicet tam plena, tam evidenti illic sunt ratione digesta, ut quisquis diligenter illa perlegerit, ex hac re de cætero dubitare non possit; nos autem hic apponenda non ducimus, quia prolixitatis fastidium devitamus. Et revera quomodo de reatus sui relaxatione securus est, qui ad locum pœnitentiæ veniens, pœnitentiam non observat?

At fortassis objicitur, quia præter id quod commune est, speciale cuiquam venienti de sæculo jejunium in regula non jubetur. Ad quod facile respondet: quia B. Benedictus sua quidem præcepta monachis edidit, sed judicantes de peccatoribus sacros canones non destruxit, imo omnia catholica scripta firmavit: conversis plane dedit præcepta vivendi; peccatoribus autem pœnitentiam non donavit, alioquin murmurare possunt, et juste conqueri tam ii qui in puerili ætate, quam qui a gravibus custoditi ad conversationem veniunt, si eundem vivendi modum tenere cum his qui criminibus gravati sunt, compelluntur. Nam si aliter jejunare nunquam debemus, nec aliam agere pœnitentiam, nisi quæ in eadem regula sancta præcipitur, cur ibi jussum est (*S. BEN. Reg.*, cap. 55): « Ut jejunium a priore frangatur propter hospites, nisi præcipuus jejunii dies sit? »

Age nunc, lege, percurre, revolve folia, solerter investiga, et dies ille jejunandi præcipuus, qui hic in transitu dicitur, ostende ubi 292 sancti doctoris auctoritate jubetur; et cum invenire non poteris,

A necessario confitere, quia sanctus vir non sola quæ scripsit observare nos voluit, et dum sua condidit, edicta Patrum præcedentium non cassavit. Sed ne me quis temeritatis incessat, tanquam qui sacrum ordinem derogando dijudicem, atque depretiem, nos sanctæ professioni tantum tribuimus, ut et secundicerium apostolici ordinis, et secundum nihilominus fateamur esse baptismum. Sed d'eo quod dictum est, cum princeps apostolorum quibusdam ad conversionem venire volentibus dicat: « Pœnitentiam agite: et baptizetur unusquisque vestrum (*Act. ii*); » qua igitur mente securus est, qui transactas culpas flere neglit, quando ipse summus pastor Ecclesiæ huic etiam sacramento addendam pœnam credidit, quod principaliter peccata dimitit? sancta nimirum regula illis est sub tanta discretionis arte disposita, illis specialiter sub tantæ moderationis libramine temperata, qui spontaneo desiderio, et perfectionis amore gratis sæculum deserunt, non propter eos, qui scelerum immanitate deterriti, fugere necessario compelluntur. His, inquam, qui amore veniunt obedientiæ, non his qui trahuntur timore gehennæ: desiderantibus scilicet augere gratiam, nec præcaventibus vitare vindictam. Quod in ipso libri principio manifeste colligitur, si ad quem sua verba Spiritus sanctus dirigat, subtiliter attendatur.

Spiritum sanctum dico. Neque enim vir sanctus, tantæque cultor humilitatis protinus ut in verba prorumperet, magisterii cathedram, et præcipue pii patris sibi privilegium usurparet, dicens (*S. BENED. Reg.*, cap. 4): « Ausulta, o fili, præcepta magistri, et inclina aurem cordis tui, et admonitionem pii patris libenter excipe. » Sed ille servum suum propriæ vocis organum fecit, qui similiter in ipso vaticinii incipientis exordio clamare per Isaiam cœpit: « Filios, inquit, enutrivi, et exaltavi (*Isa. i*). »

Videamus ergo cum scribere incipit, quibus verba dirigit, ad quod hominum genus omnem vim securitæ eloctionis intendit; atq; enim (*S. BENED. Reg.*, cap. 4): « Ad te ergo nunc meus sermo dirigitur, quisquis abrenuntians propriis voluptatibus, Domino Christo vero regi militaturus, obedientiæ fortissima atque præclara arma assumis. » Quantum ergo ex sancti viri verbis colligere possumus, magis ad descendam obedientiam, quam ad peragendam pœnitentiam regulæ hujus schola cognoscitur instituta; non ut sive peccatores, sive justos excludat, vel unum genus hominum respuat; sed quia omnem vim et intentionem ad edocenda obedientiæ præcepta constituat.

Verum dum hæc scribimus, non ignoramus nos quosdam fratres offendere, eos videlicet, qui arbitrantur et absolutionem criminum, et virtutum clausulam in sola duntaxat conversione constare; nobis autem sufficiat respondere, quia dum ista proferimus, nulli juxta Apostolum, laqueos injicere volumus, sed ad hoc tantum quod bonum est, provo-

camus (*I Cor. vii*). Cur autem hæc tantis proiraham, quia non alienum videtur, exponam. Quidam nempe frater ad nos de monasterio venit, quid in laicali vita commiserit **293** confessus est. Porro debebatur illi septuaginta, si recte teneo, annorum pœnitentia, sicut nobis ex sacrorum canonum sententia videbatur. Erat autem fere jam septennis in habitu religionis; cumque quæreremus pro his peccatis quantum jam pœnitentiæ peregrisset, respondit: Dominò quidem abbati se cuncta fuisse confessum, sed eum præter communem monasterii observansiam, nullam sibi pœnitentiam indidisse; quia perhibuit solam conversionem pro omnium peccatorum suorum absolutione plene sufficere. Quid dicam? Fateor, res mihi valde displicuit; despexi, horruī, et hominem deceptum esse clamavi: nimur qui pœnitentiam needum haberet incep̄tam, quam diversis afflictionum modis jam habere potuerit consummatam.

CAPUT VII.

Quod melius est agere quod ex auctoritate præcipitur, quam quod misericorditer indulgetur.

Vobis autem, charissimi, et hæc et alia multa displiceant, quæ decepti homines, dum se recte agere arbitrantur, ignorant: atque, ut in aliis, quæ non agenda sunt, libera possitis auctoritate corrīgere, ipsi cautius evitantes abominanda monstrate. Ut autem ad illud redeam, sancta regula quasi ampla quædam, capax et spatiose domus facta est ad omnia genera hominum capienda, pueros vide licet et senes, fortes et debiles, deliciosos, multimoda morum inæqualitate diversos. Non ergo debemus vana nosmetipsos securitate decipere, nec omnem clementiam regulæ nostris quasi licenter usibus arrogare. Licet enim via publica cunctis itinerantibus pateat, indiscretus ille viator est qui totam occupare divaricatis gressibus tentat. Singulorum totus est fons, qui in medio profluit; sed insolenter agit qui totum vindicare propriis usibus concupiscit. Ita nimur et de remissione sanctæ regulæ dicimus, et hortamur, ut unusquisque frater, qui de sua est salute sollicitus, ad possibilitatis suæ conscientiam redeat, et de remissione regulæ non tam quod licet, quam quod necessitas postulat, in proprios usus assumat. Aliud quippe quod ex auctoritate præcipitur, aliud quod misericorditer indulgetur. Sed quod præcipitur, non sine peccato negligitur; quod autem indultum est, bonum est si dimittitur, non malum est, si completur. Sed si ipsius regulæ verba diligenter inspicimus, quod dicere volumus, facilius approbamus. Nam cum dicit alicubi (*S. BENED. Reg.*, c. 41): « Infirmorum descendentes imbecillitati, credimus minam vini singulis sufficere per dies; quibus autem donat Deus tolerantiam abstinentiæ, propriam se habituros mercedem sciant. » Quid aliud de vino monachis, quam quod Apostolus de communi amplexu conjugibus dicit? « Hoc autem, inquit, dico secundum indulgentiam, non secundum imperium (*I Cor. vii*); ubi mox addit: « Volo autem omnes homi-

A nes esse sicut me ipsum; sed unusquisque proprium donum habet ex Deo, alias quidem sic, alias vero sic (*Ibid.*). »

294 Aliud itaque volebat Apostolus, et aliud permittebat. Volebat siquidem omnes homines esse sicut semetipsum, hoc est, conjugalibus negotiis alienos: sed quia id omnibus persuadere non poterat, necessitate coactus, nuptias permittebat; melius esse judicans, ut nuptiarum lecto, velut infirmi jaccerent, quam ut in luxuriæ voraginem decidentes, services effringerent. Sed beatus qui audit Apostolum quod vult præcipientem, non quod non vult ignoscentem. Sic itaque auctor sanctæ regulæ libertato discretionis examine, alia ex auctoritate præcipit, alia propter imbecillitatem fragilium necessitate B permitit. Nam cum dicit (*S. BENED. Reg.*, c. 48): « Licet legamus vinum monachorum omnino non esse; » et alibi (*cap. 49*): « Licet omni tempore vita monachi Quadragesimæ debeat observationem habere, tamen quia paucorum est ista virtus, » et multa similia; quid est aliud quam si dicat: alta quidem ostendo, sed poplitibus teneris adhuc vos claudicare conspiciens, per plana deduco; si cui autem possibilitatis vigor accesserit, deserat ima quæ invitus indulgeo, tencat alia quæ volo? Nimur melius est quidem salvari animam in Segor, quam sulphureo in Sodomis igne consumi. Melius est enim nubere quam uri (*I Cor. vii*). Sed quam gloriōsius est ad montana condescendere, quam in parvulæ Segor obscura ignobilitate jacere.

C Et ut ad id quod nostrum est redeam, melius certe est in spirituali ordine vel segniter vivere, quam funditus in mundana conversatione perseire. Sed quam elegantius est omnia vitiorum portenta festinanter elidere, et ad virtutum culmen æstuanti desiderio festinare, quam sub tempore desidiæ in sola suscepti ordinis securitate dormire. Ac si promulgator sanctæ regulæ suis auditoribus dicat: Suscipientes quidem quod indulgeo, non peccatis, sed non suscipientes, mercedem habetis: admissa siquidem misericordia non incurritis pœnam, sed propter Deum dimissa pertingitis ad coronam: et hæc quidem speciali crimine non depressi; alioquin quisquis se meminit illicita perpetrasse, versa nunc vice debet a licitis abstinere: et qui commisit superbe prohibita, debet nunc humiliter abdicare concessa. Plerique enim molliter suaviterque viventes si aliquando suadentur, ut quantumlibet vel parum saltem arctioris viæ arripiant institutum, mox ratiocinium sibi defensionis obtendunt, dum quispam eorum sic ait: Vivo, inquit, ut jubeor, dum rebus concessis utor, legis meæ mandata conservo: deinde ut tanquam victor de superiori contendere videatur, in audaciam prosilit. Nunquid, inquiens, regula ab his, et hujusmodi, lenitatem tollit? Nunquid non mihi hæc et illa concedit? Verum quisquis ista contendit, inter voluntatem, necessitatemque scriptoris discernere nondum didicit: et alia secundum indulgentiam per-

mittit, alia secundum imperium præcipi non co-
gnovit.

Hic itaque in deserto moriturus est, quia dum in carnis suæ voluptatibus ignobiliter habitat, ad obtinendam sui juris terram per laborum certamina non desudat; sive cum Rubenitis et Galaaditis antequam Jordanem transeat, fugitur, atque ideo terram lactis et mellis 295 possidere post triumphum cum aliis tribubus non meretur, intentionis suæ terminum posuit: et quia adhuc in expeditione positus, jam domi se habitare credit, ad hæreditatis suæ funiculum, ubi vera est requies, et secura tranquillitas, non attingit.

CAPUT VIII

De vita activa et contemplativa, sub figura Lia et Rachelis.

Omnis denique nostra conversio, et abrenuntiatio sæculi ad nil aliud, nisi ad requiem tendit; sed hæc requies sic acquiritur, si prius homo diversis certaminibus laboribus exercetur, ut, cessante postmodum omni perturbationum strepitu, per gratiam contemplationis transferatur animus ad indagandam speciem veritatis. Sed cum ad hanc requiem, sicut dictum est, non nisi per labores et certamina pervenitur, quomodo quis ad requiem pervenit, qui necdum ad certamina ipsa, quæ in mediò sunt constituta, descendit? Quo enim pacto quis valeat a ullam ingredi regiam, si eam, quæ præ foribus est, nondum transivit arenam? Qui propaginare non dicit, qui palmitum sarmenta non secuit, qui glebas sarculis nunquam fregit, qui vomeribus novalia non sulcavit, quomodo excussis paleis in horreo frumenta recondere, aut plenis musto canalibus vinaria poterit amovere?

Porro non obscurum est quod Laban duas filias habuit, quarum juniores Jacob in conjugium concupivit, ad cuius tamen amplexus pervenire non potuit, donec majorem ignarus, atque ideo invitus accepit. Sed quia rem scientibus loquor, non mihi multis elaborandum est verbi. Laban quippe *dealbatio* interpretatur. Quis autem ad Deum convertitur, nisi ut deposita peccatorum nigredine per remissionis gratiam dealbetur? Sicut ipse pollicetur dicens: « Si fuerint peccata vestra quasi vermiculus, tanquam nix dealbabuntur (Isa. 1). » Quod felix ille peccator postulabat, cum diceret: « Mundabor, lavabis me, et super nivem dealbabor (Psal. 5). » Lia interpretatur *laborans*; Rachel, *verbum*, sive *visum principium*. Sed si Scripturam diligenter attendimus, nec uno quidem die servisse Jacob propter Liæ desiderium reperimus, sed per totas illas annorum hebdomadas pro sola Rachel servituti subjaciuit; insuper et ipsam Liam ad illius intuitum toleravit. Quis enim ad Deum idcirco convertitur, ut labores et aerumnas, ac temptationum certamina patiat? Omnis enim Deum quærētis intentio hoc sperat, ad hoc spectat, ut ad requiem quandoque perveniat; et in summæ contemplationis gaudio, velut in pulchræ Rachel amplexibus requiescat;

A videli, et ut per verbum quod audit, scandat ad vindendum principium quod quæsivit.

Sed necesse est ut hunc diuersorum certaminum labor exerceat, antequam ad quietis intimæ suavitatem, quam concupiscit, attingat. Prius servitute deprimitur, ut jure postmodum ad perfectæ libertatis titulos provehatur. Septem vero annis sub dealbationis gratia servit, cum septem ea quæ ad proximi dilectionem 296 pertinent, Decalogi mandata custodit: videlicet ut prime timore constrictus, atque ideo servitutis jugo depresso, saltem a velustæ legis incipiat institutis (*Ezod. xx*), ut nimirum parentes honoret, ut non mœchetur, non occidat, non suretur, non falsum testimonium proferat, non uxorem alferius, non rem proximi con-

B cupiscat. Quibus rite servatis, non mox, ut sperbat, ad contemplationis oblectamenta perducitur, ut velut exspectata diu Rachel pulchritudine perfruatur; sed Lia sibi per noctem inopinata supponitur, quia inter humanæ hujus ignorantiæ tenebras tolerantia sibi laboris injungitur. Ex qua tamen jam numerosam sobolem suscipit, quia uberes spiritualis lucri per hunc laborem fructus acquirit.

Hanc itaque tolerat, ut ad illam quandoque perveniat, quam perseveranter amat: Suadetur ergo ut alios septem annos servire desudet, quia profecto necesse est ut adhuc alia septem præcepta conservet, sed jam aliquanto liberior, non legalia tanquam servus, sed evangelica sicut gener: videlicet ut sit pauper spiritu, sit mitis, lugeat, esuriat, sitiaturque C justitiam (*Matth. v*); sit misericors, mundum cor habeat, sit postremo pacificus. Enimvero vellet homo si fieri posset, nullas quidem laborum molestias agendo, vel patiendo perferre, sed protinus in ipsis

sui tirocinii rudimentis ad pulchræ contemplationis delicias pervenire; verumtamen hoc non in terra morientium sit, sed in terra viventium; quod significare videtur illud quod a Jacob dicitur: « Non est, inquit Laban, in loco nostro consuetudinis, ut minores ante tradamus ad nuptias (*Gen. xxix*). » Nec absurde major appellatur, quæ prior est tempore. Prior est enim in hominis eruditione labor boni operis, quam requies contemplationis. Expletis itaque duabus hebdomadibus, altera videlicet legis antiquæ, altera evangelicæ gratiæ, mox ad diu desideratae Rachelis pervenitur amplexus; quia quisquis pertingere ad divinæ contemplationis oblectamenta desiderat, prius necesse est ut utriusque Testamenti peragere mandata contendat.

CAPUT IX.

De Zelpha et Bala.

Sed quia electus quisque perfectionis suæ limite non contentus, filios eliam Deo gignere spirituali fecunditate desiderat, postquam conjugale fœdus Jacob cum duabus sororibus iniit, ad propagandum uberioris germen sobolis, ancillas quoque ad generandi usum suscipere non refugit (*Gen. xxx*), atque ut omnia spiritualibus intelligantur redundare myste- riis, ipsa quoque ancillarum nomina sub mysticis

sunt enunciata siguris. Nam Bala interpretatur *A* platiæ vitæ perferant fructum, sed ad hoc potius ut inveterata. Sane quia intellectum spiritualis substantiæ nudis verbis humana lingua nequit exprimere, quandoque doctrina sapientiæ per quasdam corporeas similitudines audientem ntitur informare. De veteri autem vita, et carnalibus sensibus dedita, corporeæ cogitantur imagines: quarum videlicet ad docendum usus assumitur, cum aliquid ex incomprehensibili et incommutabili essentiâ divinitatis auditur. Rachel itaque maluit **297** utcunque filios ex ancilla suscipere, quam omnino sterilis permanere; quia doctrina sapientiæ, sive gratia contemplationis, per exteriorum scientiam, vel visibilium rerum formas, auditoribus intimat quidquid de invisibilibus intra arcana mentis occultat; et sic quodammodo per ancillam filios accipit, dum per eam, quæ sub se est, scientiam, spirituales Deo filios parit; Zelpha vero interpretatur *os hians.*

Hæc igitur ancilla illos figurat, quorum in prædicione evangelicæ fidei os quidem hiat, sed cor non hiat. De quibus videlicet scriptum est: « Populus hic labiis me honorat, cor autem eorum longe est a me (Matth. xv). » Et de quibus Apostolus: « Qui prædicás, inquit, non furandum, furaris (Rom. ii). » Verumtamen ex hac ancilla hæredes futuros aliis Liæ filios accipit; quia sæpe per tales etiam prædicatores activa vita multos regni filios adoptavit. De quibus Veritas: « Quæ dicunt, inquit, facite; quæ autem faciunt, facere nolite (Matth. xxiii). » Et Apostolus: « Sive, inquit, occasione, sive Christus ve- ritate annuntietur, et in hoc gaudeo, sed et gaudebo (Philipp. i). »

Sed jam sufficiat, quod sacræ mentionem historiæ hucusque protractimus, qui seriatim Scripturas exponere propositum non habemus. Hoc tantum in his considerandum esse perpendimus, quia sicut Jacob Racheli solius intuitu omnes illas mulieres accepit, ex quibus filios genuit, sic quisquis sub dealbationis gratia constitutus, fructificare Deo spirituali fecunditate desiderat, necesse est ut per omne quod agit, ad contemplationis semper gratiam tendat.

CAPUT X.

De his qui vagationibus dediti, ignorant spirituale conjugium.

Sed quid ad hæc dicimus, cum videamus in domo Laban nonnullos sub tanti torporis atque desidia negligentia vivere, ut neque Racheli ambiant pulchritudinem, neque etiam circa Liæ se videantur exercere laborem? Hi profecto sunt, qui in monasteriis constituti, neque per remotiorem vitam, sive per assidue orationis instantiam ad gratiam contemplationis anhelant, neque sub jejuniis se, diversorumque laborum districione castigant. Hujusmodi plane vel conjugiis omnino liberi, vel ancillarum tantummodo complexibus sunt contenti, quia vel inertis ignaviæ potiuntur otii, vel si quid agunt, non ad hoc tendunt, ut activæ vel contem-

A platiæ vitæ perferant fructum, sed ad hoc potius ut proprii arbitrii, suæque voluntatis expleant appetitum.

Hi sunt denique, qui ad quælibet peragenda negotia hue illuc votiva jugiter vagatione discurrunt; et dum quiescere nesciunt, videri velut obedientes volunt: sicutque morbum vitii quo laborant, superducto velamine virtutis ebumbrant. Hi nimis non idcirco laboribus attenuntur, ut obedient, sed ideo suis præpositis obedire deliberant, ut laborandi materiam non amittant, otium videlicet tolerant; labore fruuntur; quia vagationem, quietem, molamque negotiorum volvere, suavem deputant voluntatem. Sunt enim quædam animæ paralyticæ **298** quæ segaudent crebris discursionibus agitare: *B* Quisquis enim corporeæ paralysis languore constingitur, sæpe ministrorum vexatione concutitur, et sic agitationibus resovetur. Hi certe, spirituales videlicet paralyticæ, vel solis ancillis dicendi sunt esse conjuncti, atque ideo eorum filii nullatenus ad hæreditatis capessendæ jura perveniunt; vel si liberas habere se putant, non ancillas, ut ita dixerim, propter filias Laban, sed perverso ordine filias sibi met fœderare volunt propter ancillas; quia non ad hoc laborant, ut obedient, sed ad hoc potius obediunt, ut laborent. Nec more Jacob, ad activam, vel contemplativam vitam fructus suorum operum referunt; sed sive de activa quid in sua operatione demonstrant, sive de contemplativa aliquid verbis enuntiant, non in his spiritualis utilitatis expetunt fructum, sed propriæ tantummodo voluntatis aucupantur arbitrium.

CAPUT XI.

De monachis qui grammaticam discere gestiunt.

Ut autem cum stomacho loquar, ex istorum numero sunt ii, qui grammaticorum vulgus adeunt, qui, relicis spiritualibus studiis, addiscere terrenæ artis ineptias conceupiscunt: parvipendentes siquidem regulam Benedicti, regulis gaudent yacare Donati. Hi porro fastidentes ecclesiasticæ disciplinæ peritiam, et sæcularibus studiis inhiantes, quid aliud quam in sive thalamo conjugem relinquere castam, et ad scenicas videntur descendere prostitutas? Et, ut ista fatear, meretricium lenociniis oblectati dant repudium liberis, ut, violato nuptiali fœdere, socientur ancillis. Deserunt uxores Laban, videlicet filias, et ad lupanares transeunt concubinas; ut merito cum Bala veteres, et cum Zelpha vaniloquia videantur urbanitate dicaces. Sed fortassis objiciunt, quia ad hoc exteriorum artijug nugis insudant, ut locupletius ad studia divina proficiant. Jacob certe petitionibus uxorum, concubinarum toleravit amplexum: alioquin qui ex eis nati sunt, nullatenus cum ceteris ad hæreditatis jura concurrerent, si adulterinæ conceptionis infamiae subjacerent. Quærunt ergo, et auctoritatem Patrum subtiliter consulunt.

Quod si his artibus operam dare monachum sacra Scriptura permitit, dicitur jam quia uxor viro ancillam in usum sibolis tradit. At si Gregorius, Hie-

ronymus, aliquique doctores sancti hæc funditus abnegant; neverint isti, quia adulterino pellicum amore decepti, velut contra conjugale fœdus sine fœdere peritinaciter pugnant. Nam non solum prohibemur post acceptum sacrum ordinem vanis hujusmodi doctrinis intendere; sed ex iis quoque quæ ante didicimus, superflua quæque præcipimur detruncare. Unde per Moysen lege decernitur, ut mulieri in bello captæ, et in conjugium victoris electæ, corporis superfluitas abscindatur: « Quæ radet, inquit, cæsariem, et circumcidet ungues, et deponet vestem in qua capta est, sedensque in domo tua flebit patrem et matrem uno mense; et postea intrabis ad illam, 299 dormiesque cum illa, et erit uxor tua. (*Deut. xxii.*) » Mulieri quippe cæsariem radimus, cum rationali disciplinæ sensus superfluos amputamus; ungues etiam circumcidimus, cum ab ea mortua quæque superstitionum opera desecamus. Quæ etiam vestem deponere, in qua est capta, præcipitur, ut superductam fabularum et quorumlibet segmentorum exuat superficiem, ac solidam veræ rationis exhibeat veritatem.

Patrem vero et matrem deflet, quia liberalium auctores artium mens nostra mortuos deputat, et eos in errore periisse compatiendo deplorat. Consuetudo autem feminarum est, per unumquemque mensem sui sanguinis effusione purgari: post mensem itaque ad hanc mulierem intrare præcipimur, ut artem cuiuslibet disciplinæ omni superstitionum contagio defæcatam, velut in conjugium sortiamur; quatenus jam Israelitica facta, consequenter in Israelitæ conjugium transeat, et bene secundam spiritualium operum sobolem reddat. Et hæc omnia illis procul dubio congruunt, qui in sæculari militia liberalium studiorum artibus instruuntur: cæterum quibus non licet etiam cum hospitibus loqui (*S. BENED. Reg.*, c. 53), in quibus videlicet ipse Christus alloquitur, et suscipitur: qui non nisi ad interrogationem os aperire debemus, et cum reficiamur, ex ipsa etiam sacra lectione consulere non audemus; quomodo liceat theatalia grammaticorum gymnasia insolenter irrumpere, et velut inter nundinales strepitus vana cum sæcularibus verba conserre? Hæc autem adversus monachos nugis exteriorum artium implicatos diximus, ut eorum vanitas quam procul a linea rectitudinis exorbitet, monstraremus.

CAPUT XII.

De laude lacrymarum.

Ulro etiam expedit, ut quicunque frater sæculum perfecto corde deseruit, ea ipsa quæ sibi jam nota sunt, si noxia probantur esse, dediscat, et oblivioni perpetuae, in quantum prævalet, tradat. Nesciat itaque jam disputare de coquis, ignoret esculentiores præferre lautioribus cibis, non jam calleat urbana, vel captiosa verba proferre, non rhetoricos colores in usus tinnulæ declamationis assumere, non denique per sales atque facetias risum cuilibet extorquere. Jejunium amet, necessiarum rerum penitiam diligat, aspectus hominum fugiat, sub silentii-

A se censura constringat, ab exteriori se negotio subtrahat, os suum ab otiosa confabulatione custodiat, mentis suæ latibulum petat, ubi ad videndum Creatoris sui faciem totis nisibus inardescat: ad lacrymas anhelet, lacrymas a Deo quotidianis precibus flagitet. Lacrymarum quippe mador animam omni labe purificat, et ad proferenda virtutum germina nostri cordis arva secundat. Sæpe namque miserabilis anima velut sub pruinali glacie comas, et foliorum ornamenta deponit, et recedente gratia, ipsa sibi met derelicta, tota remanet arida, et quasi decadentium florum videtur decore nudata. Sed mox ut lacrymæ ex munere intimi inspectoris eruperint, protinus hæc eadem anima revirescit, torporis ignavi frigore 300 solvitur, et tanquam arbor verna, Austris somite recalescens, redivivo virtutum suarum flore vestitur.

Lacrymæ porro quæ a Deo sunt, divinæ exauditionis tribunal fiducialiter adeunt, et impetrantes præsto quod petunt, de peccatorum nostrorum certa remissione confidunt. Lacrymæ sunt in foederanda inter Deum et homines pace sequestres, et veraces sunt atque doctissimæ in qualibet humanæ ignorantiae dubietate magistræ. Nam dubitantes ex aliquo utrum Deo placeat, neene, nunquam melius certitudinem capimus, quam cum veraciter lacrymantibus oramus. Tunc enim quidquid agendum mens nostra decreverit, super hoc rursus ambigere necessarium jam non erit. Lacrymæ porro diluunt omne spurciatarum in meretrice contagium (*Luc. vii.*), et inimicis manibus tribuunt (*Math. xxvii.*), ut non solum pedum, sed et Dominicis capitibus mereantur attactum. Lacrymæ tribuunt, ut negator apostolus non modo non pereat omnino post lapsum, sed ultiro etiam ut super cæteros cœlestis curiæ senatores obtineat principatum. Lacrymæ contulerunt, ut David post adulterii simul et homicidii (*II Reg. xii.*) profundissimum barathrum non modo regnum cum vita non perderet, sed ultiro etiam promissionem hæredis ex se nascituri cum juramento susceptam immobiliter obtineret, qui ei regni sui solium, et omnium regna terrarum perpetuo possideret. Lacrymis est concessum, ut morituro mox Ezechiæ tria annorum Iuxtra ad vitam Deus omnipotens adderet, et insuper se et urbem Hierusalem de regis Assyriorum manibus liberaret (*IV Reg. xx.*). Lacrymis certe divina pietas contulit, ut Saram Raguelis filiam de vinculo turpis improperii clementer absolveret, et ad digni viri thalamos nuptiali per angelum fœdere destinaret (*Tob. vii.*). Lacrymis impetravit Esther, ut Israeliticum populum Deus de communi periculo perditionis eriperet, et in Aman, quod ipse paraverat, propositi suspendii sententiam retorqueret (*Esther xiv.*). Lacrymæ nihilominus contulere Judith, ut et caput absconderet Holophernis (*Judith viii, ix.*), et intra cubiculum luxuriantis illecebræ florem non amitteret pudicissimæ castitatis.

Quid de centurione Cornelio referam (*Act. x.*), qui munere lacrymarum apostolicæ meruit visita-

tionis accessum : moxque deserens gentilitatis errorem, ad Christianæ regenerationis translatus est novitatem? Quid Susannam memorem (*Dan. XIII*), quæ mox ut ad lacrymarum patrocinium confugit, protinus de manibus ad mortem se trahentium rapitur, in falsorum caput testium damnationis sententia vertitur, et sic per spiritum junioris pueri sanguis innoxius liberatur? Porro autem si cuncta lacrymarum percurrendo dona voluero, prius forte dies claudetur quam exemplorum copia subtrahatur. Hæc sunt enim, quæ et animam peccatorum labè purificant, et cor vagum in oratione confirmant. Hæc sunt, quæ de mœrorè pariunt gaudium; et dum per oculos carnis erumpunt, ad spem nos supernæ beatitudinis erigunt. Non enim possunt in sua petitione contemni, quæ et magnas voces habent in auribus Creatoris: quas profecto voces ille ad Deum frequenter emiserat, et quid ad obtinendum possent, subtiliter **301** noverat, qui dicebat: « Exaudi orationem meam, Domine, et depreciationem meam; auribus percipe lacrymas meas» (*Psal. xxxviii*). » Qui enim non oculis attendi, sed auribus percipi lacrymas postulat, voces inesse lacrymis manifestè designat. Lacrymæ nempe cum in conspectu pii judicis supplicant, nihil hæsitant, sed sic misericordiam tanquam rem quamlibet proprii juris sibimet vindicant, et impetrasse se quod petierant consideranter exultant.

O lacrymæ deliciæ spirituales, super mel videlicet et favum, atque omni nectare dulciores! quæ mentes ad Deum erectas jucunda saporis intimi suavitate reficit, et arida ac tabescentia corda haustu supernæ gratiæ medullitus irrigatis. Terrenarum namque dapum sapores atque dulcedines superficie quidem palati gustantes oblectant, viscera autem interiora non penetrant; sapor vero divinæ contemplationis omnia interiora nostrata replet, vegetat, obdulcat. Lacrymantes equidem oculi diabolum terrent, et sic lacrymarum erumpentium expavet impetum, ac si procellosi nimbi grandinem, vel furientium undique ventorum effugiat tempestatem. Nam sicut spumosi torrentis cumulus superveniens, cunctis alveum sordibus purgat; sic lacrymarum profluentium cursus ex mente fletis et diabolice versutiae semina, et omnes sordentium vitiorum pestes eliminat.

CAPUT XIII.

Quod ex amore Dei compunctio nascitur, et rursum ex compunctione divinus amor augetur.

Sed hæc aqua ex igne profuit, ut quisquis affluere imbris inundatione desiderat, divini amoris ignem prius necesse est in camino suæ mentis accendat. Quod facilius exprimere possumus, si quod in secundo Machabæorum libro perhibetur historialiter gestum, ad memoriam deducamus. Ait ergo Scriptura: « Cum in Persidem, inquit, ducerentur patres nostri, sacerdotes, qui tunc Dei cultores erant, acceptum ignem de altari occulte absconderunt in valle, ubi erat puteus altus et siccus, et in eo con-

A tutati sunt eum, ita ut omnibus ignotus esset locus. Cum præterissent autem multi anni, placuit Deo ut mitteretur Nehemias a rege Persidis: hic misit nepotem sacerdotum illorum; qui absconderant, ad requirendum ignem, et sicut narraverunt nobis, non invenerunt ignem, sed aquam crassam (*II Mach. I*). In quibus omnibus verbis illud unum spiritualiter attendendum est: quod in alto et sicco vallis puteo prius ignis absconditur, et postmodum non ignis, sed aqua crassa a requirentibus invenitur. Mens quippe sincera atque perfecta Deum intentione querentis non incongrue per puteum vallis altum, et siccum designatur: quæ nimirum et a fluidis illecebrarum carnalium voluptatibus arida, et terrenæ concupiscentiæ ruderibus alte defossa, et in veræ humilitatis est convalle fundata. Huic itaque puteo sacrificii ignis immittitur, cum in electi cujuslibet mente divini amoris flamma concipitur, atque ad cœlestis desiderium pius animus **302** inflammatur. Sed hic ignis in aquam vertitur, quia ex aqua divini amoris lacrymarum compunctio generatur.

Et notandum, quod non pura dunitaxat aqua, sed crassa aqua narratur illic suis reperta. Quid enim crassa est aqua, nisi lacrymarum compunctio, divinæ procul dubio gratiæ pinguedine saginata? Qua videlicet pinguedine saginari Propheta aestuabat, cum diceret: « Sicut adipe et pinguedine repleatur anima mea» (*Psal. LXII*). » Et per alium prophetam hæc eadem promittitur crassitudo, cum ait: « Delectabitur in crassitudine anima vestra» (*Isai. LV*). » Hinc iterum dicitur: « Memor sit, inquit, Dominus omnis sacrificii tui, et holocaustum tuum pingue fiat» (*Psal. XIX*). »

Nec prætereundum, quod abscondentes hunc ignem, contulati quidem suis, non autem funditus extinxisse referuntur; quia nimirum ignis divini amoris, quem in ara nostri cordis accendimus, ut ex aromatibus bonorum operum suave Deo sacrificium offeramus in ipso nostræ conversionis initio, intus quidem debet occulte semper ardere, non autem foras se per vanæ gloriæ flammulas expandere. Contutatur ergo sopitis flammis, non autem vi privatur ardoris, ut non prorsus intereat, sed sese postmodum mirabiliter ignis in aquam vertat. Hæc porro aqua, compunctio videlicet lacrymarum, non solum nos a peccatorum contagione purificat, sed eliam, ut placeant ipsa Deo bona nostra, commendat. Omne namque bonorum operum sacrificium in conspectu superni judicis suavius redditur, si contritæ mentis lacrymis aspergatur. Unde illic apte subjungitur: « Et sacrificia, inquit, quæ imposita erant, jussit sacerdos Nehemias aspergi aqua ipsa, et ligna quæ erant superposita (*II Mach. I*). »

Sed cum operum nostrorum sacrificium verae compunctionis aqua perfundimus, mox mentes nostras splendor irradiat, et quidquid obscurum, quidquid in eis tenebrosum eatenus latebat, illustrat. Quidam namque se nobis tunc intimæ lucis radius aperit, et omnes animæ nostræ latebras, nova fulgoris jucundi

serenitate perfundit. Quapropter illic cum præmittitur: « Quia jussit haurire, et afferre sibi, et sacrificia quæ imposita erant, jussit sacerdos Nehemias aspergi aqua ipsa, et ligna quæ erant supposita; » protinus historiæ series addidit: « Hoc factum est, et tempus adfuit, et sol resulxit, qui prius erat in nubilo: et accensus est ignis magnus, ita ut omnes mirarentur (*Ibid.*). »

Audivimus ante, quia aqua pro igne reperta est, nunc e contrario dicitur, quia per aspersionem aquæ ignis magnus accensus est. Ergo et ex igne aqua nascitur, et ex aqua ignis invicem procreatur. Quia videlicet ei ex igne divini amoris gratia compunctionis oritur, et rursus ex compunctione lacrymarum desiderii cœlestis ardor augetur. Alterum siquidem pendet ex altero et sibimet utrumque invicem præstat, dum et ex amore Dei lacrymarum compunctionis profluit, et rursus per lacrymas ad amorem Dei mens nostra ferventius inardescit. In qua autem mente hujus alternitatis reciproca varietas agitur, ab omniprocul dubio reatus suû squalore purgatur. Unde illic non incongrue postremo subjungitur: « Appellavit autem **303** Nehemias hunc locum Nephthar, quod interpretatur *purificatio*. Locus itaque noster ubi sacrificium offertur: ubi aquæ et ignis, ut dictum est, varietas alternatur, fidelis est anima. Quæ profectio non incongrue purificatio dicitur; quia dum nunc superni amoris igne decoquitur, nunc contriti cordis fletibus mundatur, velut secundi baptismi fluentis abluitur.

Has autem successionum alternantium vicissitudines, et mutationum spiritualium varietates Isaias profunde inspexerat, cum dicebat: « Orietur, inquit, in tenebris lux tua, et tenebrae tuae erunt sicut meridies; et requiem dabit tibi Dominus semper, et implebit splendoribus animam tuam, et ossa tua liberabit (*Isai. xviii*). » Ecce ignis in puto absconditus. Sed audi quomodo ignis hic convertatur in aquam; nam protinus subdit: « Et eris quasi hortus irriguus, et sicut fons aquarum, cujus non deficit aquæ (*Ibid.*). » Postremo, ut noveris, quia hæc rursus aqua in ignem convertitur, et per lacrymarum gratiam divini amoris ardor ferventius excitatur, paulo inferius addidit: « Tunc delectaberis super Domino, et sustollam te super altitudinem terræ (*Ibid.*). »

CAPUT XIV.

De Sylvestro lacrymarum inundatione decepto.

Hic autem quid nobis acciderit, silentio prætereundum esse non ducimus. Nam hucusque scribenibus Dominica festivitas supervenit, emergentibus quæ negotiis a scriptione diutius exteriorum nos sollicitudo compescuit. Tunc juvenculus quidam, Sylvester nomine, qui hæc non quidem me dictante scribebat, sed ut digne me prædicem, tabulis descripta in schedulas transferebat, tanta maligni hostis arte delusus est, ut in lacrymas repente prorumperet, et vix nocte vel die præter horas soporis, et cibi, sese a lacrymarum inundantia cohiberet;

A vinum autem omnino dimisit, cibo quoque se continentissimo, ac permodico sustentabat; somno etiam summotenus indulgebat. Interea suggerebat illi diabolus, ut remotioris eremii recessum peteret, ubi videlicet vel raro, vel nunquam hominem jam videret: cumque sibi conclusionis copiam præberemus, aiebat se concludi quidem nullatenus velle, talem autem desiderare locum, ubi dum ingredieretur et egredieretur, libere, et solitarius a nemine videatur. Obsistebant autem huic obstinationi omnes unanimiter fratres, et technam hanc, versutiamque diaboli probabiliter asserebant. At ille pervicax et obstinatus, dum lacrymis exuberantibus fidem præbet, in voto suo, quod maligno spiritu suggestente conceperat, irrevocabilis permanet. Puto quod antiquus hostis aptum deceptionis suæ nactus articulum, hoc ejus oculis ingerebat, quod in hoc opusculo paulo superius Sylvester ipse conscripserat: ubi dicitur, quia dubitantes ex aliquo, utrum Deo placet nece, nunquam melius certitudinem capimus quam cum veraciter lacrymantes oramus. Non enim attendit, quod huic versiculo paulo ante præmissum est; quia illæ dantaxat lacrymæ, quæ a Deo sunt, exauditionis **304** tribunal adeunt; non illæ certe quæ a callidi insidiatoris præstigiis suggeruntur.

B Hoc etiam oscitando præteriit, quod dictum est, veraciter lacrymantes. Non enim veraciter, sed fallaciter lacrymatur, cui per mendacem ab initio spiritum falsus fletus immittitur: nam nec dissimile quod et beatus papa Gregorius in suis Moralibus scribit, dicens: « Sed hæc, inquit, vitia, quæ sub virtutum specie antiquus hostis occultat, valde subtiliter manus compunctionis examinat. Qui enim veraciter intus dolet, quæ agenda foris, quæ non agenda sint, fortiter prævidet. Si enim nos vis compunctionis in intimis afficit, omnis mox strepitus pravæ suggestionis obmutescit. Et si cor veraciter intus dolet, linguam contra nos vitia non habent. » Ecce hic magnificus doctor, cui et fatuitalis nostræ concordat ineptia, non ait, si cor intus dolet, sed si cor veraciter intus dolet. Ut patenter insinuet alium esse dolorem, quo mens divinitus afflata compungitur; alium quo per insidiatoris fraudem quasi contriti cordis lacrymas imitatur; alias esse lacrymas, quas mendacii, et erroris spiritus simulat; alias autem, quibus veritatis Spiritus animarum squalorem, et rubiginem purgat.

C Ut igitur ad relationis ordinem redeamus, quia dudum in alia solidudine habitare permisso, semetipsum temerarius abscidit, nec non et ad alia loca vagabundus erravit: ille dantaxat confisus in lacrymis, æquis consiliis nullatenus acquiescebat præbere consensum: nec se aliquatenus decipi posse credebat, quem quotidiana compunctione crebris lacrymarum profluviis inundabat. Quid plura? ovum certe, quod aspis in pectoris ejus nidulo confovebat, tandem familiarem prorupit in fetum. Nam librum nobis admodum charum, videre ad modicum petiit, cuius quatuor de medio furtim quaterniones abscidit, ac

nbulas ad mensuram stringendi codicis, ne tale quid suspicaremur, accuratissime detruncavit: deinde stimulo conscientiae territus, ne compedibus vincitur, præ foribus cellulæ stans, cultello vulnus infligere vel sibi, vel aliis, si quis eum contingeret, minabatur. Tunc liquido patuit hujusmodi lacrymas non de cœlesti rore descendere, sed ex tartari sentina sine dubio scaturire. Hoc autem, fratres mei, vobis narrare curavimus, non ut delinquentis fratribus exaggeremus infamiam, sed ut vos suspectam semper in ipsis etiam bonis studeatis habere cautelam.

CAPUT XV.

De diversis officiis monasterii; primo de abbate.

Libet hic diversa monasterii officia succincte perstringere, et quid administratoribus eorum qui busque servare conveniat, summotenus expedire. In primis igitur, o venerabilis abba, fac ipse quod præcipis. exerce quod prædictas, imple quod mandas; non vita discordet a lingua, non opera videantur a sermone discreta, nec aliud doceat auctoritas præsidentis, aliud exhibeat operatio conversantis. Raro autem progressurus egredere, ut semen verbi, 305 quod sparseras, jugiter valeas excôlendo rigare. Non itaque hospitem te monasterii frequens discursus exhibeat, sed habitatorem potius, atque domesticum diuturnitas morosæ gravitatis ostendat. Commendet inedia jejunia prædicantem, nec loquentis sententias comedentis sauces impugnat. Melius nempe sobrietatem docet manus, cum ad os sub moderamine ducitur, quam si vescenis lingua loquatur. Porro vivida satis, et efficax in discipulorum mentibus prædicatio est: alii os ad mensas impellere, impellentem vero in rigore jejunii permanere. Sic intenta delinquentibus ferulam; ut in te motum iracundiae sub rigida cohubeas disciplina.

Interim verò dum minaris, dum terroribus culpabilem concutis, in temet ipsum oculos revoca, modum humanæ fragilitatis attende, et temet ipsum corripi posse, si censor adesset, subtiliter meditare: nec mireris, si subjectus quispiam forte transgrediviens cuncta jussionis tuæ mandata non impletat, cum tanta sit conditionis humanæ fragilitas, ut ipsa etiam corporis lui membra prorsus in omnibus timibet obtemperare non possint. Ut autem quod dicimus, evidenter eluceat, præcipe oculis tuis, ut eis acedia non obrepatur; cordi, ut cogitationum phantasmata non amittantur; indica genitalibus pudicitiam, ut aliquando incentiva luxuriæ non titillent; gulæ sobrietatem, ut alimenta esculentiora non pruriat; postremo toti simul corpori, ut morbis irruentibus non patescat. Et cum liquido probaveris haec a temet ipso exigere fidem, sed penitus impetrare non posse, quid mirum si in his, qui a te personis et moribus disjuncti sunt, perfectam in omnibus nequeas obedientiam reperire? Plane si haec in te solerti meditatione consideres, fratrnæ quoque imbecillitatis excessum æquanimiter ferres. Si quid forte patrimonii latioris accesserit, si suppetere copia cernitur, si Dei domus

A augetur, noli tuis meritis, sive studiis arrogare, sed beneficiis duntaxat divinis ascribe. Revoca itaque ante oculos tempora, quando privatus eras, et recole, quia tibi nullatenus ista provenerant.

Constat ergo quia non tibi, sed Christi confertur Ecclesiæ, quod tu sine illo assequi nequivisti. Non mensam fratrum cœnaturus exhorreas, non te convivia privata delectent: et cum quibus tibi est altaris mensa communis, non indignos judices, qui tibi participent etiam in corporalibus alimento. Non igitur suspicionem private vescentis absentia generet, unde ad perniciem murmurantium, sive detrahentium tua quoque fama labore. Nec magnopere cures quam pretiosum sit quod laetinam compleat, sed id potius unde fraterna charitas in Christo per amoris mutui glutinum coalescat.

Noli monasterii bona prodigere, nec popularis auræ favorem proprium de communi velis utilitate captare. Si enim credimus, quod ditantium Ecclesias peccata solvuntur, credendum est etiam procul dubio, quia minuentes, et dilapidantes eas gravis sacrilegii vinculis innectuntur; et inde sunt isti peccatis obnoxii, unde reperiuntur illi peccatorum nexibus absoluti. Cave dum parentum stiparis obsequiis, 306 dum verbis assentantium suaviter deliniris, ne, quod absit, ipsa in mente tua prælatio, vel impensa reverentia lenocinetur, et quasi dignus sis, qui ad ista perveneris, male demulcens cogitatio blandiatur. Villicus quippe quanto in commissa largiori possessione beator, tanto est in reddenda ratione miserior; tantoque debet plura cum reddit, quanto gloriatur ampliora cum accipit. Plane timendum est valde quod dicitur (S. BEN. *Regul.*, c. 2 et 64): « Quia de omnibus sibi commissis animabus rationem redditurus est abbas, addita et suæ animæ ratione: » Pensemus itaque quanto nunc expedit, ut sit timore perterritus, qui in tremendo examine ad sui discussionem venit alienis janæ ratiociniis fatigatus; sed quia doctori magis docendum est, quam discendum, haec illi pauca sufficiant, qui dum sua constitutus sit dicere, aliena forte fastidit audire.

CAPUT XVI.

De priore monasterii.

Prior autem monasterii hoc modo sui prioratus officium naviter administrat, si ab abbatis sui voluntate non discrepat, si omnium fratrum animos, quantum in se est, in ejusdem abbatis sincera dilectione confirmat. Joseph nempe herili præpositus domui (*Gen. xxxix*), noluit ad ultimum alienæ conjugis in se desiderium trahere, sed in amore viri proprii docuit permanere. Nobilis et ille servus Abraham, ut uxorem domino suo sincera fide provideat (*Gen. xxiv*), omne vir strenuus impensa humanitatis officium calcat: laboris sui scilicet, ac tanti itineris oblitiscitur; ut soli domino suo militet, quidquid in expeditione positus operatur. Sicut enim abbas per omne quod agit ad amorem Christi debet filios provocare; ita etiam prior ne qua, quod absit, zelotypia generetur, in dilectione abbatis sui fratres

stude, et unanimiter consovere. Non itaque circa de-
Inquenūm culpas se exhibeat mitem, ut abbatem
faciat apparere crudelem; sed sic illo absente prava
quæque redarguat, ut is postmodum rediens velut in
tranquilli portus sinu, sic in spiritualium fratrum
jucundantium lætitia requiescat.

Teneat igitur rigidam in excedentium correptione censuram, nec patiatur apud se consuetam regularis propositi tepercere disciplinam. Ille sit ad iustitiam rigidus, ut abbas videri valeat in mansuetudine pius; ille instet exigere, ut sit quod abbas paterna possit pietate donare. Moyses quippe ut fidelis famulus nudæ justitiae præcepta tradidit; Christus autem ut vere pius Dominus, austere legis duritiam temperavit. Aaron vero, qui prævaricanti populo se quasi tractabilem præbuit, cum eo simul ad sacrilegos ritus idola fabricavit. Sicut appendebatur velum ante arcam fœderis, sic prior ad exteriora quæque negotia quasi quoddam sit tegmen abbatis. Ille siquidem pulveribus de sæculi via surgentibus semper expositus obviet; iste velut arca Domini in sui fulgoris munditia jugiter perseveret. Ille tanquam Aaron os abbatis factus, loquatur ad populum; iste sicut Moyses, in his quæ ad Deum pertinent, divinis alloquiis perfruatur. Uterque igitur in **307** unitate spiritus alterutrum concurrentes, talem, si possibile est, Deo sobolem nutriant, cui in jus cœlestis hæreditatis ascriptæ posteritas nulla sucedat.

CAPUT XVII.

De significatore horarum.

Noverit autem significator horarum, quia nulli magis in monasterio est oblivio fugienda, quam sibi. Si enim articulum suum cujuslibet synaxis hora, vel præventa, vel dilata non teneat, omnem procul dubio horarum succendentium ordinem turbat. Non ergo fabulis vacet, non longa cum aliquo colloquia misceat, non denique quid a sacerdotalibus agatur inquirat; sed commissæ sibi curæ semper intentus, semper providus, semperque sollicitus, volubilis sphæræ necessitatem quiescere nescientem, siderum transitum, et elabentis temporis meditetur semper excusum. Porro psallendi sibi faciat consuetudinem, si discernendi horas quotidianam habere desiderat notionem: ut quandocunque solis claritas, sive stellarum varietas nubium densitate non cernitur, illuc in quantitate psalmodiæ, quam tenuerit, quoddam sibi velut horologium metiatur. Enimvero mos, ut homines ad ecclesiam, dum pulsantur tintinnabula, congregentur, ex antiquæ legis mystica traditione descendit, jubente Domino Moysi: « Fac tibi, inquit, duas tubas argenteas duciles, quibus convocare possis multitudinem, quando movenda sunt castra: cumque increpueris tubis, congregabitur ad te omnis turba ad ostium tabernaculi fœderis (*Num. x.*). » Sic ut enim tunc Israelitica plebs cum tubis ad tabernaculum confluebat, ita etiam nunc fidelium populus ad ecclesiam, auditio tintinnabulorum clangore, festinat.

Neque hoc discrepat, quod illi dicuntur castra mo-

A veri, cum videlicet castra ad bellorum noscantur pertinere procinctum. Unde et paulo post dicitur: « Si exieritis de terra vestra contra hostes qui dimicant adversus vos, clangitis ululantibus tubis, et erit recordatio vestri coram Domino Deo vestro, ut eruamini de manibus inimicorum vestrorum (*Ibid.*). »

Ad pugnam quippe quasi castra contendimus, cum, ut ita dicam, psalturi, vel oraturi ad ecclesiam festinamus. Illic enim tenebrarum principes adversum nos feraliter dimicant, ut per illusiones phantasmatum ab his quæ per labia defluunt, vagabundas mentes avertant. Et re vera quam pulchra militie species, præcipue nocturnis horis, cum fratres quasi tubarum clangoribus excitati cuneum faciant, et tanquam directa acie properantes, attoniti ad pre-

B cinctum divini certaminis concorditer graduantur.

Cum videlicet puerorum ala præcedit, juvenum vero tanquam manipolorum turma subsequitur; postrema autem legentes vestigia series, belli scilicet robur, ne subsidat aliquis, ne vel hostis furtivus immergit, totius exercitus terga custodiunt.

Adde, quod laterna in prima belli fronte præfertur, ut columna ignis per desertum præcedere populum aptissima similitudine videatur. Sic nimurum, sic centuriæ Christi ad comedendum cœleste manna; sic ad obtinendam terram **308** lacte melleque manantem veræ Israeliticæ properant legiones. Clangentibus namque tubis ad tabernaculum fœderis properant, ut verbi cœlestis illic epulas

C comedant, et sacrificium laudis Deo, ac bona voluntatis vota persolvant. Unde et ibidem non inconvenienter additur: « Si quando, inquit, habebitis epulum ad dies festos et Kalendas, canetis super holocaustis, et pacificis victimis; ut sint vobis in recordationem Dei vestri (*Num. x.*). » In his igitur et hujusmodi verbis significator horarum prudenter advertat, quam vigilem, quamque sollicitum in assignato sibi ministerio esse semper oporteat, ne tantum videlicet opus per ejus incuriam sui ordinis statuta confundat.

CAPUT XVIII.

De mensæ lectore.

Mensæ lector sollicita consideratione perpendat, quam distincte, quam aperte, quam denique intelligibiliter legere debeat. Quandoquidem cum refectio corporum, ille pabulum exhibit animarum. Dixit Apostolus: « Esca ventri, et venter escis; Deus autem hunc, et illam destruet (*I Cor. vi.*). » Per alios igitur offertur esca corporibus, quæ mox in putredinem vertitur: per hunc divina ministrantur eloquia, quæ cœlo etiam terraque transeuntibus, non transibunt. Sic ergo legendum est, ut dum caro sua stipe reficitur, anima quoque cœlestibus epulis saginetur.

Legatur itaque non lectori, sed auditori; nec aucupetur propriæ rumculos famæ, sed ædificationi potius consulat alienæ. Nec curet quid de lectori dici, sed quid de lectione possit intelligi.

Edentibus etiam suggestum est, ut sic refectio- nem sobrietas temperet, quatenus commolentium strepitus faucium meatus aurium non obturet. Sic mediatrix inter os et mensam manus scilicet moderata discurrat, sic se sub gravitate freno suspensa cobibeat, ut dum terrena per fauces esca trahitur, nequaquam a divinis jejunare dapibus esuriens anima compellatur.

CAPUT XIX.

Quanta cellararium oporteat discretione pollere.

Cellarius autem, quia quasi pater constitutus est monasterii, debet officium sibi commissum tanta dispensationis arte peragere, ut manum et aperiendo substringat, et stringendo discretus aperiat; quatenus in eo et parca sit largitas, et parcitas larga. Summopere quippe cavendum est, ne parcitatem tenacitas, largitatem effusio mentiatur. Sæpe enim visum virtutis se specie palliat, quantoque quasi bonum esse quod malum est cernitur, tanto difficultius emendatur. Bonus autem administrator sic dispensat necessaria corporum, ut saluti etiam consulat animarum; quia et parcendo sobrietatem nutrit, et largiendo murmurationis vitium ne oriatur, obseruit. Sæpe enim (ut vir prudensissimus ait) liberalitate liberalitas perit, 309 videlicet et cum res et non indigentibus indiscretè profunditur, ideoque quid vere indigentibus dandum sit, postmodum non habetur.

Debet itaque negari superfluum nostris, ut supersit unde charitas impendatur extraneis. Nehemias enim ut venientes quosque de gentibus per circuitum in convictum propriæ mensæ suscipiat (*H Esdr. v*), gregibus suis parcere inhumanum putat; sique suis necessitatem stipendiis temperat, ut charitatis officium et in alienos extendat. Tobias cum tanta laboraret inopia, ut uxor ejus textrini operis quæsum conducta susciperet (*Tob. ii*), hæc ipsa, quæ habebat, adjecit parva dividere, ut concaptivis fratribus qualecumque saltem solatium exhiberet. Peregrinus itaque pietatem a se peregrinari non pertulit, et rebus pauper opulentissimæ charitatis diuicias non amisit. Abigail dum magnifici convivii partem subtrahit (*I Reg. xxv*), a viri jugulo gladium David in ultionem contumeliam festinantis avertit; sique suis eibum bene furata subripuit, quibus utique vitam extraneis ministrando servavit. Paulus etiam monet per unam Sabbati, quod placuerit apud unumquemque reponi, ut Hierosolymam sanctis indigentibus Corinthiorum posset gratia destinari (*I Cor. xvi*). Sic itaque debemus nostris quotidiani victus stipendia ministrare, ut meminerimus, etiam si facultas suppetat, et extraneis in necessitate succurrere. Sit autem Ecclesiæ dispensator, non acceptor personarum, sed considerator infirmitatum; non captator gratiæ, sed sustentator imbecillitatis alienæ, ut æqualiter indigentibus æqualia tribuat, quos autem fragilitatis diversitas separat, administrationis etiam dispensatio moderata discernat. Sic enim omne scandalorum seminarium tolli-

A tur, si singulis quibusque membris, non quod voluntas ambit sed quod necessitas expedit, imperiatur.

CAPUT XX.

Admonitio puerorum.

Porro autem, quia totum sancti hujus cœnobii corpus, velut extensis quibusdam fraternali amoris ulnis amplectimur, ratum ducimus, ipsa quoque ætatum momenta distinguere, et tanquam congruentia quædam admonitionum indumenta singulis quibusque membris aptare. Ut igitur ab incipientibus ordiamur: instruendi estis, o pueri, quia nunc ætas vestra cerea est: et sicut teneri adhuc estis in pusillitate membrorum, ita etiam utique flexibles diversitatibus morum. Quantumque a ramis adhuc

B Pythagoricæ litteræ procul agitis, tanto faciliores estis, vel in dexteram dirigi, vel in sinistram partis proclivia detorqueri. Sed si inter manus sigilli plasta vitium læsionis incurrit, nisi præsto corrigitur, postquam ad instar lapidis obduruerit, non medetur. Si virgula ex prima radice succrescens, in obliquum se qualibet occasione retorqueat, ad rectitudinem nunquam remeat, si aliquanto diutius in eadem obliquitate perdurat; et quia ut hostile sit, indigna decernitur, flammis edacibus pabulum deputatur.

Cavete ergo, ne vitium aliquod vestrum cum 310 incremento corporis simul adoleat, ne prævitatis cuiuslibet in vobis nodositas obdurescat; sed sitis vasa non in contumeliam, sed in honorem facta, atque in domo Domini in omne opus bonum parata. Plane si vultis adulorum probitate nitescere: et, quod aliis impossibile est, absque laboris tædio virtutibus abundare, amodo sobrietatis arma corripere, et adversus æstuantes carnis illecebras totis viribus decertare. In ipso

jam tirocinii yestri primordio certam vobis victoriæ Deo pro vobis stante promittite, et prælato crucis vexillo certamen insæderabile cum adversis spiritibus audenter inite. Calcate superbiam, frenetur ira, frangatur invidia, teneat silentii lingua censuram, ruminatio Scripturarum gulae pruritus extinguat; detractionem ut lingua non profert, sic et auris non audiendo condemnet. Cum detractoribus, ait Salomon, ne commisceatis colloquium, quoniam repente veniet perditio eorum, et ruinam utrorumque quis novit? (*Prov. xxiv.*) Tam videlicet ejus qui detrahit, quam illius qui aurem accommodat detrahenti: et quidem non detrahendum, verumtamen peccatum fratris illi, a quo debeat corrigi, non celandum,

D Quod nimis tanto interdum a pueris facilius deprehenditur, quanto in eis vel noscendi, vel deferendi suspicio non habetur. Accusavit Joseph fratres apud patrem crimine pessimo (*Gen. xxxvii*); sed unde illorum iunc pertulit odium, inde postmodum super eos nominationis obtinuit principatum. Achimas et Jonathas, suppositi juxta fontem Rogel latuerunt, regique David, ut a facie Ab-

saltem quantocius fugeret, nuntium detulerunt (*II Reg. xvii*) : et hoc Abiathār et Sadoch fecere per filios, quod facere non poserant per seipsoꝝ. Sæpe siquidem per juniores culpa detegitur, quæ a majoribus salubriter emendatur. Nolite autem jam grandiusculi de priorum vestrorum perperam forte viventium meritis disputare, et non, quia via gladiantur, sed cuius vice fungantur, atten-dentes, illis in Christo humiliter obedite. Patres enim carnis, ut Apostolus ait, habuimus eruditores, et reverebamus eos, quanto magis obtemporabimus patri spirituum, et vivemus? (*Hebr. xii.*) Samuel namque edocetus est ab Heli, quid vocant se Domino responderet (*I Reg. iii*); et illi, quāmvis reprobo sacerdoti, quia tamen humiliter paruit, oraculum mox divinæ revelationis accepit. Superbum Saulem nequam spiritus vexat, et ei David obsequi⁹ crispando citharam non recusat (*I Reg. xvi*).

Ut libidinis autem valeatis aestus extinguere, irritamenta gulæ tanquam stupæ, naphæ, picis, et malleolæ fomitem declinate. Qui enim inter tres abstinentes pueros in camino ignis quartus apparuit (*Dan. iii*), et vobis tanquam ventum rotis flantem spiritus sui refrigerium ministrabit. In omnibus igitur crepundias infantiae lactantis exuite, et rudimenta tirocinii vestri Domino per ingenuitatis indolem dedicate. Illum sequimini inter tentationum certamina ducem, illum quærите in prosperitatis pace custodem. Insuperabilibus igitur virtutum telis accincti; Christo propugnatori vestro unanimiter dicite: «*Judica, Domine, no[n]centes me, expugna impugnantes me; apprehende arma, et scutum, et exsurge in adjutorium mihi*» (*Psal. xxxiv*). Ille vos in **311** virum perfectum, in mensuram ætatis plenitudinis suæ perductos, sua faciet virtute victores. Ille vos hostium vestrorum triumphaticibus plantis dabit calcare services. Legite etiam epistolam quam Marino fratrueli nostro direximus. (9).

CAPUT XXI.

Exhortatio juvenum, vel adolescentium.

Vos autem, ephebi adolescentes, vos etiam pubescentes juvenes, tanto propensioribus exhortationum auxiliis indigetis, quanto duriora carnalis incendi certamina toleratis. In vos siquidem recto cursu omnis hostilis impetus irruit, vobis omne belli robur incumbit. In vos omnigenum telorum densissimæ grandines, et constipatis adversum vos iniquis spiritibus cum vitiis carnis turbulentissimæ vobis ingruunt tempestates. Feruent, servent in ossibus bella, et tanquam vagus Vesuvius, vel Aetna vaporati corporis vestri caminus flammarum globos eructat. Unde necesse est, ut quanto acrius impugnamini ad tutelæ vestræ custodiam, tanto robustius insistatis. Ultro etiam satagendum est, ut jaculis pateant, qui jacula vibrare non cessant, et vulnera sentiant, qui infli-

saltem quantocius fugeret, nuntium detulerunt (*II Reg. xvii*) : et hoc Abiathār et Sadoch fecere per filios, quod facere non poserant per seipsoꝝ. Sæpe siquidem per juniores culpa detegitur, quæ a majoribus salubriter emendatur. Nolite autem jam grandiusculi de priorum vestrorum perperam forte viventium meritis disputare, et non, quia via gladiantur, sed cuius vice fungantur, atten-dentes, illis in Christo humiliter obedite. Patres enim carnis, ut Apostolus ait, habuimus eruditores, et reverebamus eos, quanto magis obtemporabimus patri spirituum, et vivemus? (*Hebr. xii.*) Samuel namque edocetus est ab Heli, quid vocant se Domino responderet (*I Reg. iii*); et illi, quāmvis reprobo sacerdoti, quia tamen humiliter paruit, oraculum mox divinæ revelationis accepit. Superbum Saulem nequam spiritus vexat, et ei David obsequi⁹ crispando citharam non recusat (*I Reg. xvi*).

Quapropter, charissimi, sobrietatis, humilitatis, patientiae, obedientiae, castitatis, charitatis omniumque virtutum arma corripite, et non pro agris et urbibus, non pro filiis, vel uxoribus, sed pro animabus vestris, quæ omnem affectum necessitudinis superant, dimicite. Præcipue ut ætas vestra vim sentiat, jejunandum vobis est, et orandum; quatenus et jejunium carnis robur edomet, et oratio ad Deum animam levet. Notandum tamen, quia nonnulli dum peragunt indiscrete jejuniū, jejunii non capiunt fructum; et quidquid enim uno die jejunant, altero ad votum se satiando compescant. Sicque fit, ut jejunii dies sequenti militet diei, et dum externa vix hodie esca digeritur, vacuato stomacho crastini apparatus copia comeditur, dumque præter communia singulare aliquid, et laetus quæritur, non sine ministrorum tædio cuncta apothecarum secreta curantur. Ille igitur bene jejunat, qui in die refractionis communibus contentus est alimentis, si vis delicit dum non escarum genere discrepat, etiam modum quotidie prandientium non excedat. Nec tamen jejuniis nimium tribuentes, obedientiam, quæ aurea ad cœlum via est, relinquatis.

Dicam non quod aliena relatione cognovi, sed quod oculis vidi. Pomposiæ quidam frater erat, **312** Raimbaldus nomine; frater videlicet Petri reverentissimi viri, qui nunc apud Vincentiam abbatis officio fungitur. Hic itaque adolescentiam suam crebris consueverat edomare jejuniis, et sicut in primis auspicis famosæ indolis, in plerisque specimen dabat. Huic injunctum erat officium, ut cuidam Téutonico ministraret inclusio: qui nimium effossis oculis, et abscissa dextera, juxta ecclesiam positus arduam ducebat vitam. Erat autem regulamonasterii, ut nemo claustrum egrediens loqueretur. Aliquando autem cum Raimbaldus in capitulo constitutus graviter quereretur, se nequaquam posse pueris imperitis per signa præcipere, ut servo Dei vestes abluerent, et præsertim quæ sibi edulia præpararent, postremo asserens, atque denuntians, quia nisi silensium frangeret, mandata penitus servare non posset: econtra vir sanctus, abbas scilicet Guido, ne silentium solveretur, vehementer obsisteret, constanterque in auctoritatis suæ sententia permaneret; demum ad hoc post multa perventum

(9) Est epistola 26 libri vi epistolarum S. doctoris.

est, ut ille præcipiteretur ab administratione cessare, sibique quiescere. Sed, o divinæ ultionis accelerata severitas! vix dum dimidiæ horæ cursus elabitur, et ecce Raimbaldus superposito dolori dito in gutture se esse percussum lacrymabiliter protéstatur. Quid plura? Post diem, si rite teneo, tertium satisfactione facta, et accepta sancti Patris benedictione, defunctus est.

Hoc autem, charissimi, domesticum vobis idecirco retulimus, ut memineritis sanctam obedientiam pro confidentia nullius pii operis, sive religionis aliquando negligendam. Estote præterea inter tentationum vestrarum bella solliciti, undique vigiles, undique circumspici, ut videlicet temptationis hora pertranscat, ne quod in cogitatione suggeritur, protinus opere consummetur. Sæpe enim in sæcularibus præliis uno momento contingit, quod per nulla temporum spatia postmodum valeat emendari. Econtra, qui unius vulneris caverit ictum, brevissimo puncto diuturnæ ritæ lucratur augmentum. Nostis ipsi quod dicimus: sæpe quis in peccati voraginem subito labitur, quod per omne vitæ suæ spatiū flere necessario compellitur. In omni igitur temptationis articulo solerter est attendendum, ne tentatio ipsa perveniat ad effectum: nam si brevi puncto operatio præva differatur, evaditur: et dum momentaneus ictus, ut ita loquar, effunditur, diu postmodum incolumis vita servatur.

CAPUT XXII.

De novitiis.

Hi vero, qui ad religionis ordinem noviter converuntur, admonendi sunt, ut prima contra gulosam bellam suscipiant; ut dum sobrietatis legibus venter parare compellitur, consequenter etiam in his, quæ sub ventre sunt, anima libidinis temperetur. Refrenetur lingua non solum a sermonibus otiosis, sed et a fratum plerumque confabulatione colloqui; ut tanto liberius in orationibus se vel laudibus divinis exerceat, quanto hanc per ambagum vivacissitudines **313** inanis verbositas non fatigat. Terat oculus assiduis obtutibus pavimentum, mens per aestuantis desiderii machinam suspendatur in cœlum. Utraque substantia suam perpendat originem, ut et caro quem cernit pulverem se esse non dubitet, et anima ad id erecta quod perdidit, inhanti, atque indefessa semper cupiditate suspirat. Pannosas et hispidas vestes paucitas attenuata conciliat; vilia, ac despecta frigus indumenta commendat. Durum cubile diu dilatus raptimque sopor admissus remolliat. Parvipendit quippe strati molliem, qui solam indulxæ quietis cogitat quantitatem; nec cum Sardanapalo plumis innatare pensilibus inhiat, qui pervigiles cum Machario noctes ducere in orationibus intentus anhelat. Deseratur publicum, hominum fugiatur aspectus. Scrutentur anguli, remotiorum recessuum abdita penetrantur. Furtivæ quippe orationes vim inferunt cœlo, et indulgentiam, rapiunt, dum frequenter in tenebris coelesti lumine perfunduntur. Illatis contumeliis non

A vox contumeliosa respondeat, sed aut conviantis amaritudinem modestia respondentis obdulget; aut si hoc facile obtineri non potest, ne jurgium ferale effluat, irati lingua silenti saltem censura compescat. Furentibus nempe ventis navis sæpe velificata submergitur; si autem antenæ deponit, omnis mox statuum impetus necesse est inaniter effundatur. Ictum quippe convicci sagitta non inventit, cum conviciati mens sese in humilitate velut inclinata deponit. Tentet novitus sæpe majora, ut quæ minora sunt reddantur eorum collatione familia.

Quod dicere gestio tale est. Sæpe aqua turbida, vel tepida hoc studio bibitur, ut contempta vini concupiscentia, perspicua solummodo, vel frigidæ aqua sufficere judicetur. Sæpe cantabritius panis apponitur, ut dum communis appetitur, silagineus non queratur. Cui post pulvinaria cento non sufficit; quovis sibimet stramine satisfacere poterit, si nudum prius pavimentum lateribus terit. Qui post carnes oleum nauseat, ut sobrius liquor faucibus suaviter sapiat, saltis aliquando leguminibus vivat. Quem insolita delectat equitandi vectatio, intra cellulæ se angustias colligat, et claustrum monasterii postmodum forum putat. Qui post gebellinam, martorinamve mollitem vervecum fastidit compeditem [f. compedem]; si birros induit, utrum a peregrinis, an a domesticis soveatur pellibus, de cætero non discernit. Moyses quippe ut simplici mannae cibo contentus sit, ne cum cæteris Israelitis sedere super ollas carnium concupiscat (*Exod. xxiv*), ab omni cibo, vel potu per duplēm quadragenarii cursum in monte jejunat. Filii prophetarum, ut quælibet oluscula non abhorreant, amarissimas coloquintidas in ollam concidere non recusant (*IV Reg. iv*). Daniel dum inter rabidos leonum rictus coactus est degere, perversorum deinceps hominum didicit insidias non timere (*Dan. vi*). Nabuchodonosor dum bruti animalis recordiam tolerat, dum férarum more, saltuum atque silvarum condensa perlustrat, formatur, ne de regalis imperii dignitate superbiat (*Dan. iv*). David cum a proprio filio a regalis solii sublimitate dejicitur, ne in Semei extraneum videlicet hominem vindicet, eruditur (*II Reg. xv, xxiii*). Isaías postquam **314** triennio nudus, et discalceatus incessit, omnino credendum est, quia superfluis postmoduni, vel mollibus indui non quæsivit (*Isai. xx*).

Quisquis ergo vult facile sibi cujusque laboris exercitium reddere, aggrediatur intrepidus et altiora tentare; quatenus asperitatem asperitas leviget, et, ut ita loquar, tolerabiles indicentur urticæ, palliuris vel hisutis verribus comparatæ. Neque hoc dicimus, ut non a minimis quis incipere debeat; sed hoc potius, ut dum difficiliora tentantur, collatione quadam hæc eadém minima levigentur. Studeat etiam hoc novitus, qui ardua tentans augustum iter ingreditur, ut cum gravari ultra virès cœperit, mox ad latitudinem revertatur. Acus quippe si duris vio-

Ienter impingitur, nisi ex discretione retrahitur, necesse est ut coacta frangatur; si autem sutor eam more cerdonum et impellit, et retrahit, facile quidquid soliditatis obstiterit penetrabit. Sic et nos in nostrae conversationis initio, dum modo nitimus, modo remittimus, modo per dura, modo per aspera violenter insistimus, modo nos remittendo laxamus, paulatim via panditur, ut omne quod obstiterat, ingenuo transeat.

CAPUT XXIII.

Vos etiam, sancti senes, præterire non debet, quos utique tanto necesse est fieri cautores ad prælium, quanto conspicitis ipsum vobis præliandi terminum jam propinquum. Unde constat, quia si nunc perditis, amissæ victoriarum titulos recuperare de cætero non potestis. Nunc igitur ad fortiter agendum fervens animus incalescat, et senilis ad debellandam vitiorum barbariem robur juvenile concipiat. Jamjam profecto in limine municipii pedem ponitis; jam ad felicissimæ quietis otium mediantibus dunataxat foribus propinquatis.

Abjiciatur ergo desidia, deponatur inertia, et non transacti longi forte laboris memoria retrahat, quos subjectæ pœnæ jam oculis oblatio mercedis invitat. Rimator auri, quo profundius terræ venas effudit, eo robustius, atque ferventius se ad explendun id operis, quod restat, accingit. Nec tam præteritus labor vires enervat, quam spes thesauri jam jamque propinqui ad egerendi ruderis studium provocat. Sine causa jentaculum inhiat, qui pronubus ad convivium nuptiale festinat. Ecce enim taūri evangelici, et alilia occisa, et omnia sunt parata; insuper et vox præconis: « Venite, inquit, ad nuptias (Matth. xxii.). » Cur ergo prævenire delicias appetit, qui ad nuptiales dapes epulaturus accedit? Cur ructare ante vult, quam discumbere? Cur porcorum se siliquis satiat, qui ad epulas properat angelorum? Cur se non ab omni nunc voluptatum suarum famelica satietate coerceat, quem summa ac perfecta beatitudo gloriæ cœlestis exspectat? Cur non linguam suam a fabulis nunc, et vana verbositate refrenet, qui Verbum ipsum, per quod facta sunt omnia (Joan. i), præsentissima in perpetuum contemplatione prospiciat? Cur se pro disciplinæ censura ab aspectibus non removeat hominum, qui ad curiam tendit imperatoris æterni et cœlestium senatorum? **315** Cur asperis exhorreat contingi vestimentis, qui stola induendus est immortalitatis?

Non ergo nos piget a cunctis mundi delectationibus jejunare, ut omnium deliciarum cœlestium copiis mereamur affluere, ne mens nostra hæreal creaturis, sed ad amplexus potius inhiet Creatoris. Quisquis enim de longinquo veniens aulicis liminis appropinquat, vecordiae arguitur, si fabricis intentus ad regis faciem non anhelat; nec a spe fortiter agendi effeti corporis debilitas frangat, quia si spiritus adest cordi, consequenter etiam viros artuum visceribus administrat. Unde et Caleph quia mandata Dei serventer impleverat, juvenili robore

A vegetus aiebat: « Hodie octoginta quinque annorum sum sic valens ut eo valebam tempore, quando ad explorandum missus sum: illius in me temporis fortitudo usque hodie perseverat tam ad bellandum, quam ad gradiendum (Jos. xiv.). » Hoc est scilicet tam in resistendo vitiis, quam et per religionis trahit in bonis operibus augmentandis. Et in Deuteronomio: « Moyses inquit, centum et viginti annorum erat quando mortuus est; non caligavit oculus ejus, nec dentes illius moti sunt (Deut. xiv.). » Hinc est etiam, quod in benedictione Aser ipse dicit: « Ferrum et æs calceamentum ejus; sicut dies juventutis tuæ, ita et senectus tua (Deut. xxxiii.). »

Nolite itaque, dilectissimi, velut extinctis jam vitiis jejuniorum, vel vigiliarum, in quantum fas est arma deponere: nolite dum adhuc in stadio curratis, quasi jam securi, deliciis lenocinantibus indulgere. Familiare quippe est senibus jejunare; et licet cibos saepe debilitas appetat, naturæ voluntas insita cum jejunio et sobrietate concordat. Invitat Berzellai Galaadites ad requiem: « Veni, inquit David rex, ut requiescas secure mecum in Hierusalem (II Reg. xix.). » Sed opponit senectæ stuporem, et excusat epularum regalium voluptatem: « Nunquid, ait, vigent sensus mei ad discernendum suave, aut amarum, aut delectare potest servum tuum cibis et potus? vel audire ultra possum vocem cantorum, vel cantatricum? » (Ibid.). Unde perpenditur quam quietus, quam certe bene moratus fuerit iste senex. Quomodo enim non esset rei familiaris, si contingeret; egestate contentus, qui regalis mensæ dapes despicit invitatus? Quomodo delectaretur otiosa vel risibus apta verba depromere, qui et alienas melodiarum voces castis auribus dignabatur audire? Et qui illic etiam delectari noluerat, ubi aliquando crisparentur vasa psalmorum, quomodo quiescere potuisset, ubi ludera et saltationes persistepunt histrionum?

Nonnulli plane senum sunt, quod prætereundum non est, qui etiam postquam ad religionis ordinem venerint, ita fabulosis næniis occupantur, ut et sibi sint noxii, et auditoribus videantur esse deliri. Molo enim rerum gestarum lacinias texunt, modo regum antiquorum edicta, vel victorias referunt: sique diem in nugarum anilium inepta recitatione consumunt. Ita fit, ut per linguam Deo dicatani, quam non salutares occupant preces, ridiculose vani, ac superstitioni recitentur annales: qui nimis dum linguam pestiferis fabularum dapibus satiant, quia jejunio semper est inimica verbositas, **316** etiam ventrem digno sobrietatis moderamine non castigant.

Habemus denique senem, in monasterio scilicet Sitriæ, vocabulo Mainardum, quem scilicet adhuc paludatum cum admonuisse, ut monachus fieret, ut verbosus ac mordax semper exsisteret, in typum quodammodo jurgiosæ responsionis erectus: Ecce, inquit, ancillæ meæ quotidiana me sedulitate undi-

que confovent et ministrant, et sic vix utcunque subsistere valeo; quo igitur pacto potero spiritualis instituti iter arripere, qui absque ulla disciplinæ sarcina me ipsum pene nequeo saltem pedibus sustinere? Verumtamen paulo post, quibus adnitentibus nescio, ecce factus est monachus: qui nimiram jam senex et languidus cum tanto fervore cœpit, ut grandævis atque maturis sani scilicet consilii viris miraculum, juvenculis autem monasterii lubricis atque lascivis fieret in derisum. Qui profecto laceantes eum detractionibus, et verbis mordacibus obrodentes, nunquam eum a sui rigore propositi instantum potuere deflectere, quin adhuc per dies singulos psalteria quatuor expleat, quatuor nihilominus per hebdomadam dies absque ullo cibo et potu tam aestivo, quam hiberno tempore transigat. Hoc tamen adhuc de prisco more servato, ut mensem unumquemque sic dedicet, quatenus in primâ cujusque mensis hebdomada, nisi Dominica die, vel quinta feria, penitus non manducet: est autem jam, nisi fallor, in sacræ conversationis habitu duodenis, et hic quidem in conventu fratrum.

Est autem et alius intra cellulæ septa conclusus, et Leo videlicet Prezensis, quem et in aliis nostræ dictationis opusculis nos breviter adnotasse meminimus: vir videlicet tam decrepitus, ut qui eorum obitus recolit, quos ille parum nascendo præcessit: quibusque simul vivendo consenuit, senex sit. Hic igitur in tam effeti ac tremuli corporis gravitate xi-
num nisi duabus, vel forte tribus anni præcipuis festivitatibus nunquam bilit. Ante horam nonam præter Dominicos dies nunquam comedit; duabus in hebdomada diebus, quando scilicet indulgentius vivit, pulmentum præter unum prorsus aliud non admittit. Sic autem orationis ejus ordo disponitur, ut quotidie sive per aestatem, sive per hiemem unum psalterium cum cantis, et litaniis suis ante nocturnas Ecclesiæ vigilias expleat: secundum autem psalterium ab auroræ crepusculo usque ad horam sextam pro defunctis cum novem lectionibus canat, terrium vero psalterium cum *Gloria* iterum cum ipso ad vesperascentis diei fine concludat.

Habet autem hanc gratiam, quam in nullo unquam quantævis perfectionis viro deprehendere posui, videlicet ut psallenti nunquam se cogitatio ingerat: tantaque cordis in eo puritas viget, ut absque ulla resistenti molesta nihil omnino mens cogitet, quod a psallentis ore discordet. Illud etiam valde mirandum, quia nunquam ejus oculos acediat tedium deprimit. Adde etiam, quod cum præsenctutis caligine faciem hominis discernere nequeat, litteras discernit et legit; quotidie psalterium bis lecitando percurrit.

317 Hoc quoque stupendum, quia intra cellulam positus, ubi nimirum subobscura lux est, litteratum scripturæ discernit articulum; egressus autem ubi liberior videndi facultas est, apices non agnoscit. Sic autem mihi subtiliter sciscitanti saepius ipse professus est. Nulla jam carnis certamina tolerat, nulla

A mentis vel ad momentum quidem vagatione laborat Crucifixus igitur huic mundo jam pene quæ sunt humana non sentit, sed totus azymus, totusque sineris, ut ita fatear, angelus vivit.

Ecce, dilectissimi, cum multa suppetant, duo tantum exempla proposui, unum communis, solitariæ alterum vitæ. Quibus nimirum manifeste colligitur, quia ubi fervidi spiritus ardor incanduit, senilis ætas a boni operis studio non torpescit (*Hebr. xii*): sed sicut serpentem costis duntaxat, non pedibus innitentem, vivax ad currendum spiritus evehit; sic senilia membra per spiritualis militiae studium divinus amor impellit. Qui enim nondum habemus manentem civitatem, sed futuram inquirimus (*Gen. viii*), in qualibet hic ætate sperare requiem non debemus: in hujus quippe mundi salo justi laborant, ubi suam reprobi possident requiem. Quam videlicet diversitatem bene corvus et arca dimissus, et columba significant (*Deut. v*). Corvus quippe cadaveribus insidens, ad arcæ claustra non rediit; columba autem reversa est, quia ubi pes ejus requiesceret, non invenit. Hic enim ubi pravi quippe carnalibus se voluptatibus satiant, sancti viri reperiire nequeunt ubi ad quiescendum desiderii sui pedem ponant. Hinc est etiam, quod qui peccasse deprehenditur, quadraginta verberibus atteri per legis mandata jubetur. Quadragearius quippe numerus totum hoc tempus per mysterium comprehendit, quo sancta Ecclesia, per quatuor partes mundi diffusa sub Decalogo legis vivit. Quadragenario ergo numero delinquentes cædimur, si in hoc tempore poenitentiæ verberibus casligamur. Debet itaque peccator quisque, sive senex sit, sive juvenis, temporalibus atteri ut purgatus in iudicio valeat inveniri. Eos enim nulla illuc animi adversio affligere poterit, quos hic cujuscunque ætatis conditione fuerint, perfectæ poenitentiæ disciplina percussit.

CAPUT XXIV.

Ubi omnes in communi ad charitatis studium provocat.

Nunc autem, fratres charissimi, omnes vos generaliter alloquor (*Philip. ii*); omnes per id, in quo omne flectitur genu, Christi nomen obtistor. In fraterna charitate persistite, in mutui amoris studio adversus antiqui hostis insidias unanimiter conspirete (*Gen. vi*). Tota sanctæ operationis vestræ machina in charitatis se basibus erigat; omne, quod constraintis ædificium, ex vivis virtutum lapidibus sinceræ dilectionis glutino coalescat. Arcam quippe, quæ octo animas inter cataclysmi fluenta continuit, intrinsecus, et extrinsecus liniri bitumine vox divina præcepit. Sancta scilicet Ecclesia, quæ ad resurrectionis gloriam tendit, sic intus, et extra bitumine linitur: ut et foris blandiatur in fraterna dulcedine, **318** et intus cohæreat in dilectionis inutriæ veritate. Quisquis enim intus amat, sed foris a fratribus morum inconsona asperitate discordat, intrinsecus quidem bitumen habet, sed extrinsecus non habet. Quisquis vero se specietenus affabilem præbeat, ami-

citiam simulat, sed in cordis occulto veritatem amicitiae non conservat; damnabiliter intus hiat, cum formsecus superducti bituminis simulatione cohæreat. Quorum videlicet a diluviali naufragio neuter eripitur; quia duplice charitatis bitumine, ut divinitus præceptum est, non munilur.

Qui autem se et foris præbet amabilem, et intus conservat amantem, foris cum ramis verbi fructus exhibet beneficij; intus alte radicem figit, quia medullitus diligit; hic profecto et intus et extra bitumine linitur (*Gen. vi*), quia duplice charitatis glutino cum proximis fœderatur. Porro autem quia de lignis levigatis prius fieri arca præcipitur, et sic deinceps ut bitumine liniatur; qualiter ligna vestra levigari debeant, et dolabro pœnitentiae ac disciplinæ poliri utcunque supra descriptimus; nunc ut compactæ fabrieæ bitumen accedat, exigente rationis consequentia suademuſ. Enīm vero quandiu mōres hominum asperi sunt et inculti, inanitereis charitatis gluten apponitur, quoniam ab invicem cito dissiliunt; dum in eis politæ moralitas aequata confederatio non tenetur.

Estote igitur levigati per spiritualis exercitii disciplinam, estote bituminati per charitatis fraternæ concordiam. Quæ tamen, confoederatio congruere perfecte non poterit, nisi cum arca in cubitu consumatur, id est, cum multis unus Christi vice proponitur. Unitas quippe facil, ut multa sibimet invicem congruant, ut diversæ hominum voluntates in compage charitatis, et communis spiritus unanimitate concurrant.

Quapropter, charissimi; si cupitis invicem in Christi charitate congruere, ei, qui vobis Christi vice præest, humili ex corde attentius obedite. Non inter vos sit garrulus ille Cham. (*Gen. iv*), qui nudata parentis verenda denuntiet, qui paternæ offensionis obscena divulget. Qui videlicet inter duos fratres medius, nec in primitiis numeretur Israelitarum, nec locum mereatur in plenitudine gentium (*II Reg. xx*). Non ibi sit, qui contempto pastore, mercenarium querat; qui voces alienorum audiat, qui in odii fornace discordiae malleos ludat, qui regnum Israel per schismatis seminarium dividat. Non est, inquit, nobis pars in David, nec hæreditas in filio Isai. Plane tandem apes in communi mellifissant, quandiu sub uno principe perseverant. Grues

C

D

A quoque juxta vocabulūm tandem lineatim congruunt, quoisque unum sequendo, litterarum utrinque ordinem non confundant. Roma mox ut condita est, duos etiam fratres simul reges habere non potuit: ideoque prima surgentis structuræ mœnia parricidio dedicavit. In Rebeccæ concupientis utero Jacob et Esau, cum necdum præter materna viscera vestes induunt, jam velut toricati bella committunt (*Gen. xxv*).

Rector itaque fratres tanquam filios amplectatur, et soveat; ut et ipsi tanquam patrī a filiis deferaatur. Scitum quippe est illud oratoris Domitii (*Cic. lib. ii De orat.*, in procem.): « Cur ergo te, inquit, habeam **SIC** ut principem, cum tu me non habeas in senatorem? » Non ut hæc spiritualibus sint taxanda disciplulis, sed ut murmurationis occasio tollatur infirmis. Omnes itaque diligat, ut jure ab omnibus diligatur. Sic igitur pastor et oves (*I Joan. iv*), dux et militum catervæ uno spiritu confederantur in exercitatione virtutum: ut charitas, quæ Deus est, individuæ unitatis in eis teneat principatum. Ecce, dilectissimi mihi Patres et domini, ex studio vobis styli currētis articulūm reproto, quia incultum ac rusticum esse, quod scribitur, non ignoro: ut quod absque salis condimento, juie despicitur, brevitatis saltē compendio commendatur. Quæso itaque, ut qui lupinos aliquando post marinas delicias editis, hoc quoque pittacium post sacra volumina utcunque respicere non spernatis.

320 SCHOLIA.

Petrus autem nuptiarum sordes abluit cruce martyrii. Cave, putes sanctum doctorem nuptias, quas constat a Christo Domino sacramenti honore condonatas, ullo modo vituperare; unde et illud Pauli: « Honorabile connubium in omnibus, et torus immaculatus (*Hebr. xiii*). » Sed et ipse beatus Damianus suis in scriptis cum occasio se præbet, laudat nuptias, præsertim lib. v, epist. II, ad clericos Fayensinos. Sordes itaque nuptiarum ille intelligit, quas aliquis vitæ conjugalis occasione contrahit: in qua cum viri rebus diuinis minus serventer vacare soleant, et ob id dicat Apostolus: « Qui autem cum uxore est, sollicitus est quæ sunt mundi, quomodo placeat uxori, et divisus est (*I Cor. vii*). » Cumque crebrius in vana delinquendi offendicula incurvant, non est mirum sordes contrahere, ac propterea eās expiare teneri.

Sit nomen Domini benedictum...

321-322 OPUSCULUM DECIMUM QUARTUM.

DE ORDINE EREMITARUM, ET FACULTATIBUS EREMI FONTIS AVELLANI.

ARGUMENTUM. — Ad exemplum, et imitationem posterorum, regulas, et vivendi instituta, quibus eremitæ Fontis Avellani suo tempore usabantur, describit, iisque, ut qui post se futuri sunt, utantur, neque ad laxiorem vitæ normam declinent, gravissime obtestatur. Suisque ut in orationibus meminerint post mortem suam, obsecrat.

Cum servorem sanctæ conversationis vestræ, fratres charissimi, diligenter attendo, nullis hoc huma-

nis viribus deputo; sed illi potius, qui operatur in vobis velle et perficere, pro bona voluntate, gra-